


書



隆平集序

史官記錄其來尚矣。雖六史異名職司殊事。螭頭柱
下操觚載簡爲記事之始。蘭臺東觀稽文責實爲勒
撰之所。至於研精覃思。誕正得失。權輿綱紀之論。總
括經緯之條。則必窮神於退食。委蛇之閒。夙興夜寐
之際。故凡爲是官者。莫不家有注記。自備討論。豈不
以事重體大。君子之所盡心焉哉。厥自遷固。各有家
學。楊子山爲郡上計。猶獻哀牢傳。得詔詣蘭臺。迺若
陸賈魚豢。張璠范曄。亦復身非史職。私撰國書。由是



言之○一○代○成○憲○必○資○草○創○於○前○博○采○羣○言○於○衆○廼○能○
究○當○世○之○事○備○後○王○之○鑑○故○知○爲○史○之○說○皇○朝○太○祖○
開○運○立○極○握○符○御○天○聖○神○相○繼○緝○熙○文○明○之○治○亮○采○
惠○疇○官○得○其○人○通○籍○史○館○尤○爲○慎○選○凡○預○論○著○皆○命○
世○大○儒○博○學○通○識○允○所○謂○良○史○之○才○者○也○南○豐○曾○鞏○
子○固○爲○左○史○日○嘗○撰○隆○平○集○以○進○自○太○祖○至○於○英○宗○
五○朝○聖○君○賢○臣○盛○德○大○業○文○明○憲○度○更○張○治○具○之○體○
文○武○廢○置○軍○政○大○小○之○務○郡○縣○戶○口○風○俗○貢○職○之○目○
柴○燎○祠○祀○學○校○科○選○之○設○宰○相○百○官○降○王○外○彝○之○事○

分○門○列○傳○凡○一○百○六○年○爲○書○二○十○卷○當○時○號○爲○審○訂○
頒○付○史○館○副○存○於○家○雖○非○正○史○亦○草○創○注○記○之○流○也○
世○之○學○者○前○古○之○事○靡○不○歷○覽○至○於○皇○朝○典○故○則○往○
往○不○知○其○源○或○年○代○差○舛○或○名○號○錯○誤○事○辭○失○據○前○
後○抵○牾○蓋○其○所○傳○不○審○而○外○之○故○事○雜○錄○各○附○聞○見○
國○史○法○禁○世○莫○得○聞○每○縉○紳○之○士○文○涉○典○故○則○含○毫○
猶○豫○况○於○考○著○譜○牒○載○述○碑○頌○可○使○是○非○無○準○厚○誣○
當○時○致○惑○來○世○今○斯○集○所○載○五○朝○之○事○炳○然○在○目○曾○
大○父○淄○王○昔○典○宗○正○嘗○授○此○書○不○敢○顯○祕○庶○幾○宦○學○

君子有所考質。嗚呼。觀臯陶益稷之言。知帝堯帝舜之事。學者豈不孜孜歟。

宋紹興十二年四月一日。淄國趙伯衛謹序。

校刻隆平集序

曾文定公之作隆平集也。何昉乎。昉于史也。劉知幾云。史有三長。曰才學識。則史書之作。必擅三長。然後可以成一代之史。古昔盛時。經與史合。簪筆皆聖賢。命世之才。其所載記。輝煌典冊。足以爲天下後世法。卽不言才學識。而實兼而有之。不僅以文章表見已也。三代以下。列國始有史。夫子因魯史而筆削之。則史而進于經矣。厥後漢司馬氏。方以史自名家。創爲本紀世家志書列傳之文。雖開史學之宗。實與經學

漸遠工于文章而是非不免刺謬于聖人世儒或兼史之才而無由自見或在修史之責而非其所長班范而下遞相祖述求其踵武龍門者戛戛乎難之韓昌黎起八代之衰劉希仁勉以作史猶逡巡而自謝不遑他可知已惟廬陵歐陽公繼昌黎之絕業其作五代史遠接班馬而近邁晉唐維時淵源相授得南豐曾文定公研窮經義貫穿子史以明道垂教爲已任而二公之才學識並擅名一時故文定公受神宗之知褒其史學見稱士類而以五朝史事付之真可

謂得人矣公因編著五朝之事爲隆平集二十卷以進而宋史及通鑑皆藉爲根柢所紀撰者典而核博而文其詞約者其義明其文繁者其旨永上下百餘年之事英君賢相典章制度賞罰興革人物風俗忠良邪慝內外輿圖營繕賦役攻伐營屯諸事莫不一目瞭然善惡美刺無所隱護卽當日最忌諱者靡不微詞見意前可以繼五代史而並行後可以合宋史而互見蓋公成名于仁宗之嘉祐而任英宗實錄檢討官至神宗時耑典史事其在五朝耳目最近故淄

國之序以謂當時號爲審訂頒付史館則非稗官野史之流所可異者晁氏譏其記事多誤又曰或疑非先生之書不知何所據而云然也且斯集之體制才思儼然左國班馬之遺有識自能辨之爾日作者誰肯自掩其長而讓能於公哉或其時僉壬回適之輩憎其黑白之過明而借詆毀以蓋其愆未可知也觀公辭免修國史狀憂讒畏譏情見乎詞與昌黎所謂爲史者有刑禍畏懼而不敢輕爲意在斯乎惜此書傳布頗少恐漸湮沒雖吾豐舊本亦譌脫不可讀友

人劉子二至始爲點次余與湯子敦實又屢加讐校頗殫心力但愧抱殘守缺眇見寡聞疑義尙多不敢臆定今付梓以附公文集之後以見公之前集得于經學者旣粹而此集得于史學者尤深出經入史兼擅其長又何才學識之弗備哉質之宇內名賢不知以余言爲然否也是爲序

皆

康熙四十年歲在辛巳端陽日南豐後學彭期謹撰



[Faint bleed-through text from the reverse side of the page, including characters like '文', '論', '本', '學', '端', '之', '使', '謂', '若', '對', '之', '字', '內']

凡例

一是集梓于前明萬曆閒脫落譌舛意莫能通讀不可句或一字作數日思或一句從諸書校僅得其半其校訂最確者姑置勿論餘仍小註以質之高明內有一二難解者姑置闕疑

一舊刻止存一部未見他本其第三卷祠祭條內落第二葉今從楊君希洛所寄本補刻

一此集止載宋太祖太宗真宗仁宗英宗五朝事舊本第九卷原落第七葉缺弭德超傳尾楊守一傳

張遜傳全缺曹彬傳缺前段又誤于弭德超傳缺處錯補入神宗時王安石事今于本卷內註明削去亦從萬卷堂善本續補

一第十七卷趙延進傳缺文頗多又康保裔傳全缺俱俟蒐輯續補

一舊本有不應分段者誤分為兩段有應分段另提者多前後互混概行訂正

後學彭期謹識

宋曾文定公隆平集目錄

序 三首



第一卷

聖緒

符應

都城

官名

官司

館閣

文籍附

郡縣

學舍

寺觀

宮掖

第二卷

行幸

取士

招隱逸

卻貢獻

慎名器

革弊

節儉

宰執

第三卷

祠祭附封爵

刑罰

燕樂

愛民附方藥

典故

河渠

戶口

雜錄

第四卷

宰臣

范質

魏仁浦

王溥

孫貽

薛居正

沈倫

盧多遜

趙普

李昉

宗子

宋琪

呂端兄餘慶

李沆

畢士安

呂蒙正

張齊賢

王旦

向敏中

寇準

王欽若

丁謂

馮拯

第五卷

宰臣

王曾

李迪

張知白

呂夷簡

張士遜

王隨

陳堯佐

兄堯叟弟堯咨

章得象

陳執中父恕

晏殊

杜衍

龐籍

劉沆

賈昌朝

宋庠

弟祁

第六卷

叅知政事

劉熙古

竇偁兄儼

李穆

賈黃中

王 沔

蘇易簡

孫舜欽

張 洎

辛仲甫

李 至

李昌齡

趙昌言

王化基

正舉子

郭 贄

溫仲舒

陳彭年

趙安仁

任中正

弟中師

魯宗道

第七卷

參知政事

薛 奎

蔡 齊

盛 度

韓 億

王 夔

宋 綬

李若谷

子淑

龔宗慤

第八卷

參知政事

范仲淹

丁 度

吳 育

程 琳

明 鎬

王堯臣

程 戡

子一

孫 抃

第九卷

樞密

吳廷祚

子元辰

王仁贍

李處耘

子繼隆孫昭亮

石熙載

子中立

楚昭輔

李崇矩

子遵勗孫端懿

弭德超

楊守一

張 遜

曹 彬

子璨瑋孫儀

楊 礪

宋 湜

錢若水

張宏

夏侯嶠

柴禹錫

第十卷

樞密

王繼英

王顯

韓崇訓

周瑩

劉昌言

趙鎔

李惟清

王嗣宗

馬知節

周起

曹利用

姜遵

王晦叔

趙稹

李諮

王博文

子疇

范雍

張耆

張觀

第十一卷

樞密

夏竦

王德用

父超

狄青

高若訥

田况

包拯

孫沔

宣徽使

咎居潤

張美

潘美

郭守文

雷有終

李用和

郭承祐

張堯佐

第十二卷

王後

周鄭王

偽國

錢俶子惟演 陳洪進 李煜 劉繼元

孟昶 高繼冲 劉鋹 周行逢

第十三卷

侍從

張昭 扈蒙 陶穀

戚綸父同文 徐鉉 楊徽之 王禹偁

田錫 邢昺 孫何弟僅 路振

朱昂 宋白 杜鎬子杞 張詠

种放 楊億

第十四卷

侍從

樂黃目父史 劉筠 錢昆弟易 易子彥遠

蘇紳 李行簡 馬亮 楊大雅

孫甫 司馬池 張師德 謝絳

李仲容 馮元 孔道輔 段少連

葉清臣 彭乘 王洙 胥偁

狄棐 吳遵路父俶 周湛 楊察弟寘

余靖

賈黯

何中立

陳從易

第十五卷

儒學行義

尹洙

江休復

周堯卿

孫復

石延年

張唐卿

石介

胡瑗

劉顏

王回

劉義叟

徐復

高擇

林逋

代淵

趙師旦

曹覲

孔宗旦

第十六卷

武臣

藥元福

郭瓊

何繼筠

楊廷璋

王審琦

符彥卿

王全斌

孫凱

李謙浦

子允正允則

賀惟忠

姚內斌

董遵誨

王彥昇

趙贊

李漢超

楊美

郭廷謂

李懷忠

郭進

武行德

第十七卷

武臣

馬仁瑀

楊

鄴

子延昭

王彥超

雷

福

荆罕儒 范廷召王晏王景元達

高瓊 子繼勳

党進 呼延贊 崔翰 解暉

曹翰 翟守素 折御卿 侯延廣

田重進 盧斌 趙延進 康保裔 子繼英

第十八卷

武臣

魏丕 安守忠 楊允恭 張承德

柳開 王漢忠 慕容德豐 王繼忠

張凝 子昭遠 上官正 周審玉 田紹斌

李重貴 石保吉 王中正 石普

曹克明 李繼宣 荆嗣

第十九卷

武臣

楊嗣 李溥 盧鑑 周美

焦守節 閻守恭 張綸 安俊

王信 劉平 石元孫 王珪

耿傳 桑懌 任福 葛懷敏

郭恩 馬遂 景泰 趙滋

李緯 范恪 張亢 种世衡

劉滬 張君平 孟元 馬懷德

許懷德

第二十卷

夷狄

耶律隆緒 趙保吉 唃廝羅 李公蘊

妖寇

王小波 李順附 王均 陳進 區希範

王則 儂智高 目錄止

隆平集第一卷

宋曾文定公編撰 南豐後學 湯來賁敦實 全校

彭期省迂

聖緒

聖宋趙姓帝高陽氏之後自漢京兆尹廣漢而下世居涿郡爰及唐季僖祖生焉燕薊之俗尚武時有僖祖以儒學顯終於縣令歷永清文安幽都三邑順祖卽其子也少博學有時譽終於御史中丞翼祖卽其

子也。少年慷慨有大志。歷營薊涿三郡。宣祖卽其子也。雅尚儒素。又勇智過人。仕周爲將帥。終贈太尉。太祖皇帝以宋州節度使爲始封。故國號大宋。以火德。王色尚赤。

太祖啓運立極。英武睿文。神德聖功。至明大孝皇帝。宣祖皇帝之第二子。母曰昭憲皇太后杜氏。初後唐明宗卽位。每夕焚香禱天曰。臣出戎狄。世亂爲衆所推。願上天早生聖人。與中國爲主。天成二年二月十六日。太祖生。周顯德七年正月三日。統師北征。劉筠

次陳橋。軍士推戴。勢不可避。四日。周帝遜位。太祖登極。以生辰爲長春節。改元建隆。追尊皇高祖府君諡文獻皇帝。廟號僖祖。陵曰欽陵。皇曾祖府君諡惠元皇帝。廟號順祖。陵曰康陵。皇祖府君諡簡恭皇帝。廟號翼祖。陵曰定陵。皇考府君諡昭武皇帝。廟號宣祖。陵曰安陵。開寶九年十月癸丑。宮車晏駕。在位十七年。聖壽五十。葬永昌陵。孝明皇后王氏。孝章皇后宋氏。繼孝孝惠皇后賀氏。卽位後太宗至仁應道神功聖德文武睿烈大明廣孝皇帝。

宣祖皇帝之第三子太祖同母弟晉天福四年十月
 七日生顯德七年從太祖北征太祖既為諸軍擁戴
 師還太宗叩馬首告曰諸軍將校若恃功肆行剽略
 使民肝腦塗地非順天應人之意願誓而後進太祖
 遂誓於衆諸將而下翕然稟命太祖嘉帝英略友愛
 益至傳位之意始於此開寶九年十月癸丑即皇帝
 位是年改元太平興國以生辰為乾明節淳化元年
 改曰壽寧節至道三年三月癸巳宮車晏駕在位二
 十三年聖壽五十九葬永熙陵明德皇后李氏即位後立

淑德皇后尹氏懿德皇后符氏並即位後追冊元德皇后李氏

氏真宗皇帝追尊

真宗膺符稽古成功讓德文明武定章聖元孝皇帝
 太宗皇帝之第三子母曰元德皇后李氏生帝於開
 寶元年十二月二日至道三年三月癸巳即皇帝位
 次年改元咸平以生辰為承天節乾興元年二月戊
 午宮車晏駕在位二十六年聖壽五十有五葬永定
 陵章穆皇后郭氏即位後冊章獻明肅皇后劉氏繼章穆立章
 懷皇后潘氏即位後冊章懿皇后李氏章惠皇后楊氏

並仁宗皇帝追尊

仁宗體天法道極功全德神文聖武睿哲明孝皇帝
 真宗皇帝之第六子母曰章懿皇后李氏生帝於大中祥符三年四月十四日乾興元年二月戊午即皇帝位次年改元天聖以生辰為乾元節嘉祐八年三月辛未宮車晏駕在位四十二年聖壽五十有四葬永昭陵皇后曹氏即位後立廢后郭氏溫成皇后張氏貴妃

冊追

英宗體乾膺曆隆功盛德憲文肅武睿聖宣孝皇帝

太宗皇帝之曾孫濮安懿王第十三子母曰仙遊縣君任氏生帝於天聖十年正月三日嘉祐八年三月辛未即皇帝位次年改元治平以生辰為聖壽節治平四年正月丁巳宮車晏駕在位五年聖壽三十有六葬永厚陵皇后高氏即位後受冊

按此集真宗劉后俱作諡章獻李后俱作諡章懿
 新編劉諡全李諡莊懿通鑑二后俱作莊蓋舊制
 后諡必冠帝號真宗諡章聖故俱易為章

六藝永烈...
 辛未...
 太宗皇帝...

符應

竇儼周顯德中與楊徽之盧多遜同在諫垣常曰天
 地厭亂久矣丁卯歲五星聚於奎自此太平矣恨不
 與二拾遺同見之也乾德五年丁卯五星會於奎儼
 果已卒

師次陳橋軍中有苗訓者善占候引親吏楚昭輔視
 日下復有一日
 晉天福中兩浙民間語必以趙字爲助如飲日趙飲
 食日趙食之類宋興錢俶獨先恭順蓋悟此也

蜀自孟昶襲位民家質物者必書門曰名主收贖及昶末年命翰林學士幸寅遜書桃板辭不工昶自題云新年納餘慶嘉節號長春及王全斌平蜀朝廷以參知政事呂餘慶知成都府而長春節太祖生辰也江南自晉漢以來民間服玩侈麗者或問之必曰此物屬趙寶子又李煜宮女染碧夜偶不收得雨色益鮮自爾競收雨水以染謂之天水碧天水趙姓郡號也

都城

東京城以宣武軍節度使治所建周世宗命韓通以近甸丁夫增修太祖建隆三年命有司廣皇城東北隅按洛陽宮殿圖營繕太宗太平興國四年重立京城內外門名二十有五外城門南薰而次十七內城門崇明而次八西京古洛邑今與南北京竝爲別都南京景德三年升應天府建北京慶曆二年升太名府建

北齊置州通判。始於建隆四年。命刑部郎中賈玘等充
 湖南道諸州通判。乾德四年。詔自今事無巨細。須長
 吏通判。僉議連書。僚屬方得奉行。太宗朝。以宋琪為
 開封府通判。是後開封府不復置。
 司寇參軍。建隆間置。以及第進士。九經五經。并在銓
 選人為之。其後改曰司理。五代時。兩京軍巡。諸州馬
 步院都虞候判官。止以開封河南及諸州牙校充選。
 至是改馬步院為司寇。而兩京軍巡始選任京官。

官名

諸州置通判。始於建隆四年。命刑部郎中賈玘等充
 湖南道諸州通判。乾德四年。詔自今事無巨細。須長
 吏通判。僉議連書。僚屬方得奉行。太宗朝。以宋琪為
 開封府通判。是後開封府不復置。
 司寇參軍。建隆間置。以及第進士。九經五經。并在銓
 選人為之。其後改曰司理。五代時。兩京軍巡。諸州馬
 步院都虞候判官。止以開封河南及諸州牙校充選。
 至是改馬步院為司寇。而兩京軍巡始選任京官。

轉運判官開寶六年廣南路初除徐澤一員太平興國三年諸路竝置以武德使副爲皇城以閑廐使副爲崇儀太平興國中改爲文德殿此職遂廢以補闕爲司諫以拾遺爲正言太平興國六年改內殿崇班左右侍禁太平興國六年置以供奉官殿直有四十年不得遷轉故增此三資崇班在供奉官

之上殿直在侍禁之下又改殿前承旨爲三班奉職以天廐使副爲左右驥驥雍熙間改

宣政使淳化中置太宗曰宣徽使執政之漸非宦者所宜處以王繼恩平李順有功故特置此職授之

翰林侍讀學士咸平二年參用舊制祿秩次翰林學士以侍讀授楊徽之夏侯嶠呂文仲以侍講授邢昺唐開元有侍讀其後有翰林侍讀學士至五代廢太宗始命呂文仲侍讀寓直禁中名秩尚卑故復更制三司使咸平六年復後唐長興之制長興中張延朗

領其使，其後遂廢。至是以寇準嘗執政，故以爲使，兼總三部，卞袞鹽鐵，查道度支，林特戶部，竝副使。又以判官六員，外掌政令奏事，又有更制使，止書檢，餘皆副使判官主之。

資政殿學士，景德二年，因殿名置。殿在龍圖閣之東序。時王欽若求罷政事，屢請不已，特置此職以寵之。殿學士在翰林學士之下，侍讀之上。是冬，又加欽若大學士之稱，在翰林承旨之上。

龍圖閣待制，景德初，閣成，因置此職，以授戚綸、杜鎬。大中祥符末，又以馮元直龍圖閣待制，直閣之名蓋始於此。

提點刑獄，景德四年置，在轉運使副之下，而俸給同每路二員，內一員武臣，帶同字。天禧四年，改曰勸農事。至是提點刑獄亦兼。竊之，自今曾升宰。內殿承制，大中祥符二年置，在崇班之上。景福殿使，大中祥符五年置，以授內臣劉承規。發運都監，天禧閒置。天章閣待制，天聖中置，景祐閒，又添置侍講。

崇政殿說書景祐元年置以授賈昌朝

端明殿學士景祐初復後唐長興之制以殿爲名置

此職

觀文殿大學士慶曆七年置時宰相賈昌朝求罷政

事除右僕射因以此職寵之仍詔自今曾任宰相者

方除

紫宸殿學士慶曆八年因殿名置以授丁度是後不

復置

登聞官司

事材塲建隆開內臣閤承翰以八作司出納積弊建

議於都城西置塲治此而後授之世以爲便

綾錦院乾德五年置時已平蜀所得錦工六百人隸

焉

內藏庫太祖所置謂之景福內庫太宗新其名曰內

藏自淳化至景德用兵及郊丘之費不取於民有司

假內藏緡帛六千餘萬每歲多或三百萬少亦不減

百萬累年不能償詔卽蠲除之真宗景德中命陳彭

年作記以示宰臣曰此庫乃爲計司備經費爾苟非節用能如是耶

以武德司爲皇城司太平興國中改封駁司太宗從魏羽請遵故事復置因命羽典領自唐以來凡制詔皆經東臺省審有未便者許封駁以聞主之者給事中也咸平四年改曰門下封駁事則給事中之職

以匭院爲登聞院太平興國六年改置咸平四年改登聞院曰登聞檢院改鼓司曰登聞鼓院自是匭函

遂廢

天聖閒於登聞檢院鼓院各以匭函爲檢匣凡言大事朝政闕失或訴冤未辨者悉令投檢匣以進卽言涉奇邪無得通聞

以天廡爲左右騏驎院雍熙初改三班院雍熙四年置先供奉官以下隸宣徽院其員寢多故別置官司考課而陞黜之理欠司雍熙四年詔諸路州郡置以軍頭司爲殿前忠佐司端拱元年改

審刑院淳化二年於禁中置以李昌齡知院事凡具獄案經大理寺刑部方關審刑中覆然後下相府相府又以聞始論決

理檢司淳化三年詔於乾元門西北廊置復唐制也天聖中遂置理檢使以御史中丞領之

審官院淳化四年改考課朝官院爲之其幕職州縣官止曰考課院

國信司景德元年因契丹修好始置止以內臣閭承翰領其事

諫院明道初置

都水監嘉祐三年置

館閣 文籍附

三館新修書院太平興國三年詔賜名崇文院唐武德中初置修文館隸門下省正觀中建史館於禁中專掌國史開元五年於乾元殿東廊寫四部書置刊定官以麗正殿爲修書史十二年詔學士張說等宴於集仙殿曰集賢卽麗正殿也以修書史爲集賢殿書院三館之名蓋起於此自是集賢昭文置大學士史館置監修國史皆以宰相兼領又置學士修撰直館校理之職以他官領之昭文館隸門下省史館寓

於集賢。至梁遷都。始以今右長慶門東北小屋十數間爲三館。湫隘喧雜。太宗卽位。顧左右曰。此豈所以待天下賢俊耶。詔經度左昇龍門東北車府爲三館。又敞園圃。植花木。引御溝水注其中。開便門。西序備行幸。盡遷文籍置焉。東廊爲昭文書庫。南廊爲集賢書庫。西廊分經史子集四部爲史館書庫。初乾德中。平蜀得書一萬三千卷。開寶末。平吳又得二萬卷。叅舊書爲八萬卷。

祕閣初隸京百司。淳化元年。祕書監李至等言。藏書之府。漢麒麟天祿閣在未央宮中。命劉向揚雄典校。謂之中書。卽內庫書也。後漢東觀亦在禁中。桓帝始置祕書監。掌圖書。祕記謂之祕書。魏分祕書爲中書。而祕書監掌藝文圖籍。後以祕書屬少府。王肅爲祕書監。論不應屬少府。因是仍舊。而蘭臺亦藏書。故薛夏云。蘭臺爲外臺。祕書爲內閣。晉宋皆有祕書之號。晉孝武好覽文藝。敕徐廣料祕書閣四部三萬卷。宋謝靈運爲監。補祕閣之遺逸。齊末兵火。經籍散亡。隋煬帝寫祕閣二書。分爲三品。於觀文殿廊貯之。唐開

元中於乾元殿東廊寫四庫書以充內庫。命褚元量馬懷素總其事。後以集仙殿為集賢殿。內置書院。今陛下建祕書閣以藏奇書。願頒明詔。俾與三館同列。不隸京百司。詔自今祕閣宜次三館。祕書省依舊屬京百司。

唐會要百卷。建隆二年宰相王溥進。德宗時蘇冕撰四十卷。武宗時崔鉉又撰四十卷。溥采宣宗以來故事。廣成百卷。

開寶通義二百卷。開寶四年學士李昉進。唐開元中

徐堅蕭嵩等刪定古今五禮百五十卷。昉等廣以成二百卷。開寶通義纂一百卷。開寶六年叅知政事盧多遜進。

太平總類。太平御覽。太平廣記。皆太平興國中儒臣李昉等編次。

文苑英華一千卷。雍熙三年學士宋白等奉詔以前世文章纂成。

道藏經。大中祥符九年樞密使王欽若刪詳。凡三洞四部共四千三百五十九卷。欽若言道德隆符乃老

君聖祖所述，升於洞真部靈寶度人經之次，又總爲目錄表，求御製序，詔從其請，賜名曰寶文統錄。欽若又言三洞真經者，無上大羅天中玉京元都祕藏之所蘊也。元始命天皇真人象形模寫，名曰天書玉篆，爲文字之宗。由是經錄符圖諸天靈寶，遞相祖述，故道經爲首焉。洞真經、洞元經、洞神經，總百九十二萬四千三百八十卷，祕在玉京元都三十三天，未盡降世閒。開闢後，已降之經一萬九千九百七十卷。梁簡文帝時，有六千餘卷。唐明皇所撰瓊綱，纔三千餘卷。

徐鉉等嘗校勘，去其重複，得三千七百三十七卷。至欽若又增五百餘卷焉。洞真、洞元、洞神，謂之三洞。太清、太平、太真正一，謂之四部。欽若又於道藏中檢閱神仙姓國姓者四千人事迹，以聞詔圖形景靈宮廊廡。

愚按欽若矯誣上天導君於邪，此閉門誦經之本領，而道君所由覆敗也。先生敘道藏經而獨詳欽若之崇信，此卽是宋史大關鍵處，亦刪詩而存鄭衛之意。

隆平集卷之一
 開寶郡縣
 建隆三年以青州北海縣為北海軍
 建隆四年以秦州大潭縣治成紀開封府東明鎮為
 東明縣義州山寨鎮為安化縣
 弘道縣為營道縣又以潭州江華縣隸道州
 乾德二年以襄州陰成鎮為光化軍以襄州穀城鎮
 為乾德縣隸光化軍以朗州桃源鄉為桃源縣以揚
 州迎鑾鎮為建安軍割永正縣隸焉
 乾德三年以溧州常豐場為常豐縣衡州安仁場為

開寶郡縣

建隆三年以青州北海縣為北海軍

建隆四年以秦州大潭縣治成紀開封府東明鎮為

東明縣義州山寨鎮為安化縣

義州太平興國初改為宜州

潭州

弘道縣為營道縣又以潭州江華縣隸道州

乾德二年以襄州陰成鎮為光化軍以襄州穀城鎮

為乾德縣隸光化軍以朗州桃源鄉為桃源縣以揚

州迎鑾鎮為建安軍割永正縣隸焉

乾德三年以溧州常豐場為常豐縣衡州安仁場為

安仁縣江陵府白汭巡為潛江縣白日巡為建寧縣
 萬庚巡為萬庚縣白沙院為玉沙縣以北海軍為濰
 州割營丘昌邑并北海縣隸焉
 乾德四年以灌口鎮為永康軍割成都府導江縣蜀
 州青城縣隸焉
 乾德五年以成都府金水縣為懷安軍割漢州金堂
 縣隸焉
 開寶元年詔隴州置隴安縣
 開寶二年以合州濃洄鎮為廣安軍

開寶三年以萬州梁山縣為梁山軍滄州無棣縣為
 保順軍
 開寶四年改密州輔唐縣曰安丘蜀州唐興縣曰江
 源壽州盛唐縣曰六安同州奉仙縣曰蒲城廣南恩
 唐州曰恩州明州曰南雄州又升揚州高郵縣為高
 郵軍
 開寶五年以荆門鎮為荆門軍割荆南長林縣隸焉
 又改邕州晉興縣曰樂昌利州益昌縣曰昭化趙州
 昭慶縣曰隆平

開寶六年以雲安監為雲安軍

太平興國二年以李繼昇築潞州北亂柳九圍中為

威勝軍建鎮州成堡寨為平定軍曹州定陶鎮為廣

濟軍改平南軍為太平軍以蕪湖繁昌縣隸焉

太平興國三年以廬州無為縣為無為軍以建州邵

武縣為邵武軍日六交同州奉州隸日南州隸

太平興國六年以定州保塞軍為保州易州太保寨

為平寨軍梁門口寨為靜戎軍是年改靜戎曰靜安

以霸州淤口為破虜軍改新鎮軍曰平戎

太平興國七年以江州星子縣為南康軍改關南曰

高陽關

太平興國八年以海門鎮為太平軍以衢州開化場

為開化縣

雍熙四年以廣德軍即步鎮為建平縣

端拱元年以黎陽縣為通利軍以富國場為富國監

淳化元年以大庾縣置南安軍以大庾南安上猶三

縣隸焉

淳化四年以耀州黎園鎮為淳化縣

淳化五年降成都府爲益州以李順之亂故也以撫州金谿場爲金谿縣建州崇安場爲崇安縣岳州王朝場爲平江縣信州寶豐場爲寶豐縣汀州上杭場爲上杭縣武平場爲武平縣仍舊隸逐州又以石保寨建威寨軍席鷄城寨建清遠軍復爲環州至道三年建三泉縣爲大安軍以西縣隸焉降天長軍依舊爲縣隸揚州以揚州六合縣隸建安軍築古原州爲鎮戎軍其謀出於節度李繼隆由蔚茹河路護靈州軍糧因師進壁而還

咸平元年改太平軍爲太平州

咸平三年以嵐州靜樂寨爲靜樂軍

咸平四年以涇州長武鎮爲長武縣仍隸涇州

咸平五年改靜樂軍爲憲州以開封府通許鎮爲咸平縣

景德元年改威虜軍曰廣勝靜戎軍曰安肅破虜軍曰信安平戎軍曰保定寧邊軍曰永寧定遠軍曰永靜定羌軍曰保德平虜城曰肅寧

景德二年升應天府爲南京以齊州章丘縣爲清平

軍以洛州高苑縣為宣化軍以河南府永安鎮為永安縣
 大中祥符二年改浚儀縣曰祥符升建安軍為真州
 慶曆二年升大名府為北京
 慶曆八年改貝州為恩州

學舍

五代學校不修學者多各從其師是以廬山有白鹿洞書院嵩陽嶽麓亦各有書院國朝各賜以書籍大中祥符初應天府民曹誠即戚同文舊學之地造書舍詔賜額曰應天府書院命戚綸之子舜賓主之其後庠序之教興而所謂書院者未之或聞矣武學慶曆二年置於武成王廟

太平興國二年改新造龍興寺為太平興國寺

報光寺為乾明因乾明節三年改廬山東林為太平興國

寺西林為乾明寺通玄寺為太平觀九年置啓聖禪

院即太宗皇帝降誕之所

建隆元年詔諸道寺院經顯德二年已廢者不得存

留其佛像許移置見存留處

開寶三年改封禪寺為開寶寺五年賜峨眉新寺

名光相

太平興國二年改新造龍興寺為太平興國寺

報光寺為乾明因乾明節三年改廬山東林為太平興國

寺西林為乾明寺通玄寺為太平觀九年置啓聖禪

院即太宗皇帝降誕之所

建隆元年詔諸道寺院經顯德二年已廢者不得存

留其佛像許移置見存留處

開寶三年改封禪寺為開寶寺五年賜峨眉新寺

名光相

太平興國二年改新造龍興寺為太平興國寺

報光寺為乾明因乾明節三年改廬山東林為太平興國

寺西林為乾明寺通玄寺為太平觀九年置啓聖禪

寺觀

大中祥符間在京及仙源縣壽丘竝建景靈宮立聖祖殿仙源縣壽丘建太極觀立聖祖母殿詔天下州軍監置天慶觀仍竝建聖祖殿又改潤州京江中金山曰龍遊禪院是山古謂之浮玉唐正元二十一年江濱獲黃金數鎰詔改爲金山有頭陀自稱裴氏至山始創寺咸通中曹確以山名寺僞唐李景保大開改寺名潭心云

治平三年詔一應無額寺院屋宇及三十間以上者竝賜壽聖爲額因壽聖節不及三十間者竝行拆毀

宮掖

建隆初後宮止及二百八十餘人開寶五年水災太祖徧諭之曰願歸者以情言得五十餘人賜白金幃帳遣之

太宗嘗謂侍臣曰晉武帝平吳之後後宮畜數千人朕以此爲戒宮中妃御掌事輩不過三百人猶以爲多更差擇之後雍丘尉武程上疏願減後宮嬪嬙上謂宰臣曰內庭給使亦分掌事有不可去者爾朕固不作離宮別館取良家子充其中如秦漢之君也李

昉請加黜責以懲妄言上曰朕曷嘗以言罪人但念程不能知爾

真宗卽位擇宮中給事歲深者出之景德元年又令籍宮中止畱年高者餘悉放出皆號泣願畱上敦諭令中使訪良族聘之宰臣李沆曰此盛德之事也大中祥符元年又遣出百人謂近臣曰亦節用之一端也

仁宗寶元二年放宮人二百七人論輔臣曰不獨矜其幽閉亦省掖廷費也

英宗治平元年放宮人一百三十五人又明年放一百八十人宮人及戚里有畱內寺觀爲尼女冠不出者上一日謂宰臣曰欲聽從人可乎韓琦等對曰陛下哀憐及此誠仁政之一端也遂聽其從便

十。其。後。又。出。城。之。文。一。辭。出。表。讓。其。發。野。之。一。端。
 百。上。一。日。罷。宰。臣。曰。治。亂。於。人。而。平。韓。韓。等。持。曰。聖。
 百。八。十。八。人。如。如。里。育。留。內。特。購。為。以。文。探。不。出。
 其。宗。各。平。天。年。如。高。人。一。百。三。十。五。人。及。開。平。地。一。

隆平集第二卷

楊友敬希洛
 六安
 張亮乾熙載
 重按
 南豐後學彭
 期訂
 太原人幸
 太原人幸

建隆元年昭義軍節度使李筠叛五月駕幸軍前六月
 筠自焚澤潞平七月車駕還京時筠子守節據上
 黨聞筠死亦降是年九月李重進叛十月車駕幸軍
 前十一月重進自焚十二月車駕還京重進太原人

周祖之甥在周爲平盧軍節度使判揚州至是以揚州叛開寶二年二月親征太原五月太常博士李光贊上言遂詔班師六月車駕還京太祖太平興國四年二月親征太原先詢曹彬曰周世宗太祖親征何以不能克對曰世宗以史超敗於石嶺關人情驚擾故師還太祖屯兵於甘草地軍人多腹疾遂中止今兵甲精銳翦孤壘猶拉朽爾上於是決計四月至太原五月墮其城劉繼元始降詔釋之六月駕臨范陽七月還京

咸平二年北虜入寇十二月駕幸河北三年正月王師告捷車駕還京

景德元年北虜入寇十一月駕幸軍前次衛南縣大將李繼隆奏今日二十四日敗虜衆於澶州城北虜將順國王撻覽爲王師强弩所斃其衆遂遁時虜主及其母同入寇因王繼忠遂乞修好二十六日駕至澶州虜使韓杞見於行在十二月車駕還京景德四年正月駕幸永安朝拜諸陵二月幸河南三月車駕還京

大中祥符元年十月駕幸泰山行封禪禮辛亥享昊天上帝以太祖太宗配三獻畢封金玉櫃壬子禪祭皇地祇於社首山十一月幸曲阜縣謁文宣王廟及孔陵林木侵道遂降輿乘馬至宣尼墓設奠再拜又加諡齊太公曰昭烈武成王建廟青州追封周公曰文憲王建廟曲阜縣是月車駕還京往還四十七日未嘗遇雨雪

大中祥符四年車駕幸河中府親祠汾陰二月丁巳至寶鼎縣奉祇宮辛酉上服袞冕祀后土祇改奉祇宮曰太寧宮以寶鼎縣爲慶成軍隸河中府又改慶成軍寶鼎縣曰滎河縣三月幸西京至永安縣謁諸陵四月車駕還京

大中祥符七年正月駕幸亳州太清宮奉加號冊寶丙午至真源縣奉元宮上齋於迎禧殿戊申上服通天冠絳紗袍進大次巳酉行朝謁禮改真源縣曰衛真升應天府爲南京以新修聖祖殿爲鴻慶宮二月車駕還京

車馬費京

真中熟天南京以應外望師幾為出惠宮二月

天民糾修所數六火日酉計陣備斷如具就縛日

丙午至真郡縣奉衣宮土資外此部與文申土題

大中五祥子平五日驚幸亭以太部宮奉賦謝冊

劉四月車馬費京

八軍將與日來何總三月辛酉京至永安縣結

呂日八軍官以善果難高慶以軍縣回中報又文

舊制臺閣近臣每年得以抱文藝者公薦於貢闈知

舉官去取不能無所徇建隆四年詔禁止之至小百

開寶二年詔西川山南荆湖等路所薦舉人竝給往

還券

開寶六年初殿試進士自是為定制故事禮部放榜

勅下之日釀錢為同喜飲於曲江近世多於名園佛

宇太平興國元年呂蒙正等及第始官為供帳仍賜

御詩至道二年張洎以儒行篇刻板印賜近臣并新

及第人。隋大業中始設進士科。至唐爲盛。每歲不過三十人。咸亨上元中增至八十人。旣而復故。開成閒連歲放四十人。俄仍舊制。太宗卽位旬日之間。放進士三十人。經科百九十六人。竝賜綠袍木簡。未命官而釋褐。新制也。咸平三年放進士四百一十四人。并九經而下共一千五百四十六人。景德初進士遂至七百八十三人。自是取人日益盛矣。景德以前進士及第導從過多。景德二年貢院乞令狀元用一節呵導。餘

止雙控馬首。遇常叅官。斂馬側立。詔從之。

大中祥符八年蔡齊殿試第一人及第。詔令金吾司差七人許出節前引。遂爲定制。

大中祥符五年殿試題始賜印及草紙。

天聖中初置武舉。至皇祐罷。治平元年復置。

制舉自乾德二年至治平。應詔人無定數。

師學自黃齋。三平至。命平親詣。人飛。或。
 天。聖。中。時。節。先。舉。至。皇。祖。路。於。平。元。平。時。置。
 大。事。抑。符。正。平。舉。時。限。彼。顯。甲。又。草。錄。
 去。丁。八。
 中。
 五。

招隱逸

道士澄隱字棲真常山人兼通儒釋典太祖征太原
 還幸其所居問曰師年八十容貌甚少必能養生宜
 以教朕對曰臣養生不過精思鍊氣爾帝王養生則
 異於是老子曰我無為而民自化我無欲而民自正
 無為無欲凝神太和軒帝陶唐享國永年得此道也
 上悅厚賜之

王昭素酸棗人篤學有至行鄉人有訟不之官府而
 詣昭素為之辨折無不敬服開寶二年召至命講易

年踰八十矣。居月餘，求歸，特授國子博士。自李穆而下，有聞於時者，皆其門人也。

陳搏居華山靈臺觀，太平興國間兩至京師，賜號希夷先生。上令引至中書，宰相宋琪問修養之道，搏曰：「不知也。」今上言皆究治亂之大旨，誠有道仁聖之主。正君臣協心治天下之時，勤行修煉，無大於此。時年近百歲，居華山四十年，端拱二年，豫言其卒，以表來。上云：「大數有終，聖時難戀，命弟子賈德昇鑿石室於張超谷，室成而逝。」搏能逆知人意，有華陽隱士李奇。

二語可破。從來飛昇之惑。

自言開元中郎官，年數百歲，顏如嬰兒，行數百里，頃刻而至，常與搏酬唱，人以為神仙。

自言二字妙甚。

布衣潘闓，常賣藥京師，好交結，上左右有言其善吟詩者，至道初召對，賜進士出身，國子四門助教。未幾，追還所賜。

潘君行徑正是後來隱士宗派。

真宗西祀，有言陝州魏野、河中李瀆皆隱居求志，上特召之，皆稱疾不起。天禧四年，二人者繼逝，各追贈著作郎，仍賜其家粟帛。

各以其所獻其來果
 其各之皆解其不
 天朝四手二人
 其言如州縣禮
 中李賈古義習
 志
 息靈預想
 昔昔作野五
 長對來朝士
 宗
 舊春空獻
 四台徒
 顯
 士出
 其
 國
 千
 四
 門
 世
 始
 未
 亦
 文
 而
 正
 常
 與
 無
 惟
 自
 人
 以
 然
 而
 日
 言
 二
 年
 受
 甚
 日
 言
 禮
 天
 中
 禮
 官
 百
 數
 然
 則
 受
 民
 千
 禮
 百
 里
 日

卻貢獻

淳化中夏州趙保忠獻鶻謂之海東青上曰朕久罷
 畋遊無所用也還以賜之

景德中文州尚牧獻白御馬一上曰進貢無名命亟
 還之

大中祥符閒蒲端國獻崑崙奴上曰異俗離去鄉土
 可憫也命還之

天聖元年乾元節知寧州職方員外郎楊及以繡佛
 來獻上謂近臣曰及佞人也民安政舉乃守臣之職

安用此爲命亟還之。

仁宗諭輔臣曰川路舊貢織繡佛像者悉罷之。宰相王曾曰臣恭聞德音所謂不作無益害有益也。

溫鼎廣州歲貢柑橘及蜜煎果實又致其餘於大臣謂之貢餘。宰相王曾請加禁止。上曰貢且勞矣况其餘乎。命亟罷之。

英宗卽位于闕國遣使貢獨峰駝。上曰異物非朕所貴。命還之。右贊善大夫陳世修獻白馬一。英宗賜帛五十段仍還其馬。

慎名器

教坊使衛得仁以老乞外官引唐莊宗朝故事冀領郡。太祖謂宰相曰伶人爲刺史亂世事焉。可效宰臣欲以爲上州長史。司馬上曰此亦不當輕授。止令與太常寺大樂令。

崇儀使尹繼倫端拱二年敗北虜於唐河殺其皮室相公射虜將于越中臂虜衆大潰相蹂踐而死者不可勝計。時李繼隆護糧虜騎行將及因是獲免策功。止加洛苑使長州刺史。

唐制郊祀行慶止進勳階五代肆赦例遷官秩宋初因之未暇革去右司諫孫何起居郎耿望言其非制真宗嘉納遂定三年磨勘進秩之法郊禮止加散官勳爵對其辭命景德初李繼隆石保吉敗北虜於澶淵斃其驍將撻覽飲至行賞繼隆而下止加勳階食邑神宗止命真宗嘗語輔臣欲省費用減吏員宰臣向敏中曰太祖太宗朝閣門祇候止三五員今踰數百除授未已願慎擇焉上曰相承爲例當漸省之

魯國長公主以醫官使趙自化醫術有効請授尚食使兼醫官真宗曰元份嘗有請已論其不可今乃復爾命樞密院各自化戒之曰夫人

樞密副使張士遜求以子友直爲館閣校勘仁宗曰館閣所以待英俊可以恩丐乎上命友直於館閣讀書遂詔校勘無得增員仁宗謂輔臣曰圖書之府所以待賢俊而備討論也比來公卿之族多以恩澤爲請殆非請延之意也其詔自今輔臣兩省侍從不得陳乞子弟親戚爲館閣官其進士及第三人以上亦

考所進文名試入等始得除

駙馬都尉柴宗慶求為使相仁宗問輔臣曰如何宰

相王曾對曰先朝石保吉魏咸信皆歷行陣有勞晚

方除使相且將相之任繫國重輕豈容私請上曰朝

廷名分何可妄求卿等可召宗慶諭之

杜衍為宰相凡內降與恩澤者少積至十數於上前

面納仁宗語諫官歐陽修曰外人知杜衍封還內降

邪朕居禁中有求恩澤者每以衍不可為告而止者

多於所封還也足見仁宗任相之專然人主恩威由已何必諉之臣下

章懿太后弟李用和長子璋既為閣門副使次子珣

又求任通事舍人仁宗諭之曰朝廷爵賞所與天下

共也戚里之家兄弟遷補皆如已欲使朕將何以待

諸勳舊乎

章惠皇后弟汝州兵馬總管楊景宗乞為郡仁宗以

其累犯法復起曰朕於景宗何愛一郡然貪虐之性

老而益甚使為郡則一方受弊矣

張堯佐為三司使言者慮其遂大用也力爭攻之上

諭輔臣曰自今后妃之家毋得用為執政著以為令

翰林侍讀學士張瓌判吏部流內銓其子郾城主簿
庖民鎖試未嘗考功補考而又考限未至同判銓翰
林侍讀學士范鎮令用例以隨身曆爲證而不取審
狀書考移令瓌雖礙親不預其事然知其故而弗止
英宗以問輔臣皆言瓌可勿劾上曰瓌私其子可不
顧銓法耶命特奪一官降知濠州鎮亦坐贖金

英宗皇帝患吏員猥多乃詔待制以上六周年中書
取旨轉官至諫議大夫止京朝官竝四周年與磨勘
至前行郎中止少卿監以七十員爲額於前行郎中

先補官者補其闕酬賞及特恩不在此限

革弊

五代以來天下郵傳皆役平民建隆二年始命以軍人代之五代時使臣往來及輦運官司皆役僑居人戶謂之遞夫建隆三年詔禁止之

五代承唐季亂離之後國用窘蹙故冬服止及將相翰林學士諸軍大校建隆三年初賜文武常參官太平興國二年十月朔詔賜百官諸軍校百夫長以上及遣使齎賜藩鎮州郡冬服自是以爲常

五代以來領節旄者多武夫悍卒所至必補親吏代

判緣是爲姦民被其患乾德三年詔諸州長吏或藉人代判者於賓幕內擇公幹官不得復任元從人五代以來衣服旗幟止以綵績開寶四年郊禋初易以繡衣鹵簿

內臣李承進逮事唐莊宗太祖嘗問莊宗時事對曰莊宗好畋獵每次近郊衛士必控馬首曰兒郎輩寒冷望陛下與救接莊宗隨所欲給之如此者非一晚年蕭牆之禍由賞賚無節威令不行也太祖歎曰二十年夾河戰爭不能以軍法約束此輩誠兒戲

開寶四年郊禋優賞三班殿直搥登聞鼓援御馬直例上遣中使謂曰朕之所與便爲恩澤豈有例邪盡戮搥鼓者四十人餘配諸州驍健自都指揮使尹進而下竝材而降籍初平蜀日選孟昶親兵一百二十人隸殿前司謂之三班殿直至是遂廢

堂後官五代以來擇用諸司人吏倚法徇私莫可檢察開寶未始詔流內銓擇選人令錄與升朝官判司簿尉與上縣令俾充是選其後止以諸科出身人充漢乾祐以來天下令錄判司簿尉竝據所請俸折支

物每一千分兩戶俾月輸緡錢除二稅外與免徭役
謂之俸戶開寶九年太祖卽位始詔罷之
親從指揮使馬翰稱京城有賊願自緝捕真宗謂輔
臣曰朕尹京日聞翰以緝捕爲名頗爲民害事未彰
露姑置之自今捕盜止委開封府可也

節儉

太祖嘗閱孟昶宮中物有寶裝溺器遽命毀之曰以
此○奉○身○不○亡○何○待○

太宗未嘗御新衣樞密使王顯等侍數視上袴上怪
而○問○之○對○曰○陛下○袴○紋○縷○皆○倒○上○笑○曰○澣○濯○頻○故○爾○
朕○念○機○杼○之○勞○且○欲○化○天○下○以○儉○也○

油衣庫言帟幕損弊者數萬請毀棄之太宗命煮染
雜○色○成○旗○幟○數○千○它○日○有○司○又○以○營○繕○棄○材○請○給○甄
官○薪○上○命○擇○其○可○用○者○成○什○物○數○千○分○賜○宰○相○李○昉

等咸相顧而歎曰富有天下而猶器微物於已棄之餘則其大者可知矣

御馬舊以織成帕覆鞍勒至道二年詔以黃絹代之輔臣嘗因奏事至福寧殿之西閣見仁宗所御幄帟茵衾皆質素暗弊自是大臣之家無復僭侈

太宗未嘗嘗嗚呼定對密勸王則善計煥跡士節士對

此奉且小江阿符

太師嘗聞

故命宰執

唐以侍中中書令為真宰相又言故事左右僕射各

一人侍中中書令各二人為正宰相武德初李勣任

左僕射以南省務疏於北省始命帶中書門下三品

並平章事者為真宰相其宰相僕射不帶同三品者

但釐尚書省務而已正觀至德閒置左右相又有知

政事參議朝政參預朝政參知政事參知機務皆宰

相之稱也高宗謂參知政事崔知溫曰郭待舉岑長

倩郭正一魏元同歷任尚皆淺且令預聞政事未可

與卿等同名待舉等竝與中書門下同受進止平章事。則是平章事亦或居叅知政事之下。其後方鎮遂有以恩授平章事者。然而宰相謂之平章事。蓋始於唐矣。乾德二年太祖既以趙普爲相。且欲用薛居正。呂餘慶故詢翰林學士陶穀曰。下丞相一等。何官穀對曰。唐有叅知機務。叅知政事。翌日竝命居正。餘慶叅知政事。不宣制。不押班。不知印。不升政事堂。凡上殿庭。別設塼位。居宰相後。敕尾列。銜仍下押字。太宗始命與宰相更互知印。時議者謂穀之對爲失。而下

丞相一等。漢御史大夫是也。雖然唐叅知政事。固宰相之任。曾何以爲百王不易之制。始稱謂適同爾。官制因時輕重。蓋可見矣。僕射侍中皆秦官。僕役於射。謂之僕射。緣所領之事而立名者爾。侍中則丞相之史也。唐之以爲宰相。名同而實異甚矣。樞密使唐特以宦者處之。朱梁改曰崇政院。始命敬翔爲使。後唐同光復其舊稱。命宰相兼其任。石晉天福中廢樞密。而置宣徽南北院。至開通初復置樞密院。而宣徽之名。因以不廢。宋興以平章事爲宰相。以叅知政事。樞

密使副知院同知院簽書院事並為執政官宣徽使
居執政官之次或以加前執政或以待勳舊焉

宰相 竝以先後為次出
而復任者互存

范質 王溥 魏仁浦 趙普

薛居正 沈義倫 盧多遜

右自建隆元年正月至開寶九年十月

薛居正 子平 沈義倫 盧多遜 趙普

宋琪 李昉 趙普 呂蒙正 聖功

李昉 張齊賢 呂蒙正 呂端

右自太平興國元年十月至至道三年三月

呂端 張齊賢 李沆 太初 呂蒙正

向敏中 寇準 平仲 畢士安 王旦 子明

向敏中 王欽若 寇準 李迪 復吉

丁謂 馮拯

右自至道三年三月至乾興元年二月

丁謂 馮拯 王曾 孝先 王欽若 定國

張知白 月晦 張士遜 呂夷簡 張士遜

李迪 王曾 王隨 子正 陳堯佐

張士遜

章得象

杜衍

賈昌朝

陳執中

文彥博

宋庠

公序

龐籍

陳執中

梁適

富弼

劉沆

冲之

韓琦

曾公亮

右自乾興元年二月至嘉祐八年三月

韓琦

曾公亮

右自嘉祐八年三月至治平四年正月

叅知政事

薛居正

呂餘慶

劉熙古

盧多遜

右自乾德二年四月至開寶九年十月

竇偁

郭贄

宋琪

李昉

李穆

呂蒙正

李至

辛仲甫

王沔

陳恕

張齊賢

賈黃中

李沆

呂端

蘇易簡

趙昌言

寇準

向敏中

張洎

李昌齡

溫仲舒

王化基

右自太平興國元年十月至至道三年三月

向敏中

李昌齡

溫仲舒

王化基

李至 李沆 向敏中 王旦

王欽若 畢士安 馮拯 趙安仁

丁謂 陳彭年 王會 張知白

李廸 丁謂 任中正 王會

右自至道三年三月至乾興元年二月

任中正 王會 呂夷簡 魯宗道

夏竦 薛奎 王晦叔 晏殊

王隋 蔡齊 盛度 韓億

程琳 石中立 王賈 李若谷

宋綬 龔宗慤 王舉正 賈昌朝

范仲淹 陳執中 宋庠 吳育

丁度 文彥博 明鎬 高若訥

劉沆 梁適 程戡 王堯臣

曾公亮 張昇 孫抃 歐陽修

趙槩

右自乾興元年二月至嘉祐八年三月

歐陽修 趙槩

右自嘉祐八年三月至治平四年正月

樞密

吳庭祚 使

趙普 使

李處耘 宣兼副

李崇矩 使

王仁贍 副

楚昭輔 副升使

曹彬 使

右自建隆元年正月至開寶九年十月

曹彬 使加平章

楚昭輔 使

石熙載 簽書并副又加使

柴禹錫 宣兼檢校

王顯 宣兼副升使

張齊賢 簽

王沔 簽升副

張宏 副

趙昌言 副

楊守一 宣兼同知

張齊賢 副

張士遜 宣兼簽

溫仲舒 副升使

寇準 副改知

柴禹錫 宣兼副

劉昌言 同知

趙鎔 宣兼知

向敏中 同知

錢若水 同知

李惟清

右自太平興國元年十月至至道三年三月

曹彬 使平章

趙鎔 知

王顯 使

向敏中 副

夏侯嶠 副

錢若水 同知

李惟清 同知

楊礪 副

宋湜 副

周瑩 宣兼知

王旦 同知

王繼英 宣兼知升使

馮拯 同知改簽

陳堯叟 同知改簽加平章升使

丁謂 使

王欽若 同知加平章升使

韓崇訓 簽

馬知節 宣兼簽改副

寇準 使加平章 王嗣宗 副

曹利用

副改知升使加平章又加侍中

張旻

宣兼副任中正平章

馬知節

知周起副

馮崇拯

使加平章曹瑋簽

錢惟演

副張士遜副

右自至道三年三月至乾興元年二月

曹利用

使僕射侍中

張士遜

副

張旻

使加僕射侍中天聖七年改名耆

錢惟演

使

張知白

副

晏殊

副夏竦副

范雍

副

姜遵

副

張堯佐

副夏竦使

趙稹

副

晏殊

副

楊崇勳

宣兼副升使

王晦叔

使

王德用

簽改同知升知又加宣

李諮

副改

王公曾

使同平章

王隨

知韓億同

蔡齊

副

章得象

同

盛度

知王平禮同

王博文

同

陳執中

同知升

張觀

同夏守同

王禮

知

晏殊

知升使加平章

朱綬

知

王貽永

同知改副升使加平章

杜衍

同知改副升使

鄭戩

副任中師副

任布

副

韓琦

范仲淹

副富弼副

賈昌朝

使

吳育

副

龐籍

副升丁度副

夏竦

使

高若訥

副升使

宋庠使

梁適副

王堯臣副

狄青副升

孫中沔副

田况副

王德用使同程

戡副

韓琦使

賈昌朝使

宋庠使

田况使

張昇副

孫抃副

會公亮使

歐陽修副

趙槩副

陳升之副

包拯副

胡宿副

吳奎副

王疇副

王堯臣

右自乾興元年二月至嘉祐八年三月

張昇使

胡宿副

富弼使

吳奎副

王疇

陳升之副

文彥博使

呂公弼副

郭逵同簽

右自嘉祐八年三月至治平四年正月

宣徽使

咎居潤南

張美北

李處耘北改南兼樞

李崇矩北兼樞

曹彬南

潘美北改南

右自建隆元年正月至開寶九年十月

潘美南

王仁贍北

柴禹錫北檢校樞

王顯南兼樞

弭德超北兼樞

郭守文北

楊守一北簽樞

張士遜北兼樞

柴禹錫北兼樞

趙鎔北兼樞

右自太平興國元年十月至至道三年三月

趙鎔南兼 周瑩南兼 王繼英北兼 雷有終北

馬知節簽樞 張旻南兼 曹瑋北兼

右自至道三年三月至乾興元年二月

楊崇勳南兼 王德用知樞 夏守斌南 李用知南加

夏竦南 程琳北 李昭亮北 鄭戩北

張堯佐南 狄青南 吳育北 富弼南

曹佺南 程戡南

右自乾興元年二月至嘉祐八年三月其後不除

隆平集第三卷

宋曾文定公編撰 南豐後學彭期訂

祠祭封爵附

唐臘用辰宋興臘用戌正觀以前寅禘百神卯祭社

宮臘享宗廟開元以後三祭同用臘辰建隆之制祭

百神社稷宗廟同用臘戌

祠部令應先代帝王三年一享牲用太牢建隆四年

詔來年仲春以羊豕代太牢致饗帝高辛廟在宋州
堯在晉州臨汾以稷契配舜在河中府以臯繇配禹
在陝州夏縣以伯益配湯在鄆師以伊尹配文王在
鄆舊配以太公望唐封太公望武成王以廟食今以
師鬻熊配武王在鎬以周公配漢高祖在長陵以蕭
何配光武在南陽以鄧禹吳漢賈復耿弇配唐太宗
在醴泉以長孫無忌房喬杜如晦魏徵李靖配乾德
四年詔先代帝王各置守陵戶太皞葬長沙黃帝葬
長沙高陽葬臨河帝高辛葬濮陽帝堯葬城陽穀林

帝舜葬零陵九疑女媧葬趙城禹葬會稽湯葬寶鼎
文王武王竝葬咸陽漢高祖葬長安世祖葬洛陽唐
高祖葬三原太宗葬醴泉九隴山竝五戶每歲春秋
長吏以羊代牛奉祀商中宗至隋文帝十陵竝三戶
歲一享秦始皇至石晉高祖十五陵竝二戶三歲一
享周桓王至後唐清泰帝三十八陵止禁樵採淳化
三年祕書監李至上言國初舉藏冰之法于司寒之
祭常在四月行之按幽風七月四之日獻羔祭韭蓋
周以十一月爲正而四月者今之二月也春秋傳曰

日在北陸而藏冰。謂夏十二月日在虛危也。獻羔祭。韭謂二月春分始開冰室也。火出而畢賦。火星昏見。謂三月四月中也。又月令仲春天子獻羔開冰。先薦寢廟。詳開冰之祭。當在春秋而行之。四月乃有司之失也。上然之命正其理。高郵十五刻並二可三。一集賢校理胡宿言火正闕伯之祠在南京。乃國朝受命之地。自祖宗以來未領于祠官。臣切爲朝廷惜之。事下禮官。言闕伯爲堯火正。實居商丘。主祀大火。能宿其官。後世因之。祀爲貴神。配火侑食。國家有天下

之號。實本于宋五運之次。又盛火德。謂其因興王之。地商丘之舊。作爲壇兆。秩祭大火。配以闕伯。以辰戌出納之月。詔留司長吏奉祭事。上是其議而行之。

皇祐閒。上謂大臣曰。前世禮神有祭玉燔玉。今於祀典。無乃闕乎。文彥博對曰。唐太常卿王起。以當時祀事止有燔玉。因請下有司求良玉。始造璧琮等九器。以祀神。已事則藏之。而燔玉止用珉。蓋唐以來禮神之玉已不備。上曰。朕奉事天地祖宗。豈于寶玉有所愛乎。其令有司備制製之。時沙州適貢玉。乃擇其良

者製為璧琮等九器其黝璜尤粹溫祭玉之備蓋始

於此矣原本第三卷欠一葉自帝三十字起至玉有

字止又第九卷弭德超傳闕尾楊守一張遜

二傳全闕曹彬傳闕首段而謬附以王荆公事舛

錯失倫初刻注為闕文不免遺憾茲已丑季春忽

得六安州楊君希洛千里貽緘從董氏萬卷堂善

本錄示遂補刻以成全書隔地同心誠快事也

有神降於終南山道士劉守真以為天之宗神號黑

殺將軍守真每齋戒祈請必至則室中風肅然聲如

嬰兒獨守真能曉開寶九年太祖不豫驛召守真令

問焉曰上天宮闕成玉鎖開矣晉王有人心言訖不

復降太平興國六年封神為翊聖將軍其因與王

咸平四年封劍州梓潼神順濟王為英顯王王張亞

子也生越巂仕晉戰歿郡國志云亞子常至長安見

姚萇謂之曰別後九年君入蜀梓潼七曲山頭有叢

林僕所居也叩樹當有應者及符堅命萇入蜀因此

至七曲山訪得其處舉策叩樹有闔人出曰此神君

仙室也萇曰神君可得見乎入白有頃數吏前導見

堂宇壯麗侍御擁神君出乃張君也敘舊設席張樂

酒酣萇辭神敕左右授以一杖曰有兵革事所指如

意萇得之戰無不克唐明皇入蜀神迎於萬里橋僖

湯云更荒唐得妙

宗播遷亦有冥助故封爵順濟王咸平三年蜀寇王均叛有登城指賊大呼曰梓潼神遣我來九月二十日城陷矣賊射之不見及期果驗帥臣以問故改是封焉劉云梓潼神來歷如此其說已荒唐况又增以昌化書等乎即此所紀以武事著聞並非文事也續文獻考載倪文毅上正祀典疏略云按圖志英顯王廟在劍州即梓潼神姓張諱亞子其先越巂人因報母讐徙居劍州之七曲山仕晉戰沒人為立廟唐玄宗西狩追封左丞僖宗入蜀封順濟王宋咸平中改封英顯又按文昌六星在北斗魁前為天之六府道家謂上帝命梓潼神掌文昌府事及人閒祿籍元加號為輔元開化文昌司祿宏仁帝君以二月初三日為誕生之辰至於文昌之星與梓潼無干今乃合而為一誠出傳會所有前件祭祀伏乞罷免

原本亞作惡古通用

刑罰

諸州大辟舊皆藩臣專決枉濫者衆時務姑息不復究問建隆三年詔自今郡國斷大辟竝錄案朱書格律及禁勘月日官典名銜以聞委刑部覆視仁宗哀矜庶獄官失入死罪者終身不得改官吏部嘗引對選人韓中正以失入人罪報罷後刑部引為詳斷官上見其奏謂王欽若曰此豈常引對者耶欽若對曰然上曰既常用法不當乃可以為法官乎詔劾引用者罪

沈德妃之弟惟恭樂安郡主之壻張承衍同管句會
 靈觀觀燔坐黜惟恭蔡州承衍汝州竝管庫妃主交
 為言乞畱京師仁宗曰已行之命為貴戚所回則法
 徒設矣命趣行

燕樂

酺飲起自秦法三人會飲則罰金故因事賜酺吏民
 會飲過則禁之太宗嘗謂輔臣曰朕讀唐史書每見
 睿宗以後賜酺或連夜七日九日亦或彌月無乃太
 甚乎娛樂不可過三日為得宜矣此正詩書所謂沉湎于酒恒舞酣歌者何
太宗知之而復效尤也
 冬南郊禮畢詔賜大酺三日丙申自丹鳳樓至朱雀
 門張樂遷四市物貨會五方士女旱車水船往來御
 道為魚龍曼延之戲又集開封府縣及諸軍樂人列

御樓前音樂間發觀者溢路上御樓燕羣臣賜畿甸
耆老酒食列坐於下大中祥符以後屢講是制
上元張燈舊止三夜乾德五年太祖謂宰臣曰今朝
廷無事稼穡豐稔當縱士庶俾之行樂詔開封府更
增兩夜遂爲定制
故事學士赴任有敕設獼猴之戲其禮久闕張洎蘇
易簡除翰林學士特命設教坊雜伎樞密直學士知
制誥以上咸與其集太宗因謂侍臣曰學士清切貴
重朕常恨不得爲之

聖祖降後上謂王旦等曰先天降聖節欲設齋醮止
刑罰屠宰其日聽士庶以延壽帶續命縷保生酒更
相贈遺因示帶縷一奩皆金銀珠翠繒綵爲之旦曰
陛下製此非止崇奉蓋欲均福衆庶臣等不勝大慶
湯敦實曰此數語便是逢迎豈待受美珠而後不
敢諫耶

不悅。乾德後，雖禁民私賣而茶之利盡入縣官，民不以爲擾。

太宗覽福建版籍，謂宰相曰：陳洪進以漳泉二州贍軍數萬，無名科斂，民所不堪。比朝廷悉已蠲削，煩苛稅名，吾民當小康矣。

端拱二年，河北屯軍乏糧，度支使李惟清發河南十七州民運送。上曰：今已春，深農事，正急，豈宜更興此役？惟清固請，乃遣左正言馮拯乘傳與轉運使規度，止請發貝冀州餘糧輸邊，它俟農隙。上因召惟清語。

之曰：掌邦計者，當以民爲本。軍食雖少，民力不任，計司須務變通。自今宜以利民爲先，無致厚斂。且財貨所以濟用度，取不以道，豈朕愛民之意耶？

淳化二年，許商人納粟麥，分江淮官茶以給其直，謂之折博。倉商人甚便之。國初有折中倉，或言其弊而罷之。及端拱初，以折中倉罷，歲失國用百萬之入，遂欲復置，以歲歉而止。至是始復，而更其名曰折博，公私以爲便。

至道元年八月，知開封縣裴麗正言畿縣見欠夏稅

蠶鹽三司令折納大麥。今已過時。上曰。三司害政甚矣。八月課民輸大麥。價益踴貴。欠稅皆下戶。是重困小民也。卽日下詔聽從。便雜輸粟豆。以官鹽貨於民。蠶事旣畢。卽以絲絹償官。謂之蠶鹽。又有食鹽。卽隨租賦納其直。

景德中。河北轉運使李士衡奏。方春民不足。可給以錢。使至夏輸絹。民甚便之。詔推其法於天下。謂之和預買。

景德中。有司言京師民僦官舍。居人獲利多。而輸官

少。乞增所輸。許奪賃。若人重遷。必自增其數。上曰。豈不太刻耶。先帝屢常止絕。其申戒之。

大中祥符五年。三司請民販茶違法。許家人告。上曰。是教犯義。非朝廷所宜言。不許。

上封者言川峽官鹽價賤。民間倍之。請增其直。免失厚利。上曰。官直賤。民間尚貴。上更增直。下益闕矣。不許。

陝西轉運使張象中言安邑縣兩池鹽。見貯三億餘萬斤。尚虞遺利。請申條約。真宗曰。過求羨餘。當慮有

時而闕不許。

蜀人以鐵錢重私爲文券謂之交子以便貿易旣久而或不能償民訟不已天聖中知益州寇瑊請禁之上曰蜀民用交子久矣罷之可乎下使者議以爲官置務則可以利民而止其欺上曰果利民其行之仁宗卽位以真宗時常遣使江浙蠲放逋欠因登極赦恩命知制誥張師德侍御史知雜事蔡齊詳定天下欠負悉蠲除之其後命官放欠負蓋自此始

淄州東治舊以衙前主之治久廢州請均其課於諸縣仁宗曰利出於治治旣廢矣他縣力田之民何預而使之輸耶命罷之

太平興國中編成方書賜諸道州郡謂之太平聖惠方一百二十卷

仁宗謂輔臣曰近時方伎之學廢故世無良醫人多橫夭乃命太醫較定黃帝內經素問難經巢氏病源等模以頒天下

銅人鍼灸圖經一節合次於此以脫落今補於後

仁宗以福建奏獄多蠱毒害人者福建醫工林士元

能以藥下之。詔錄其方。又命太醫集諸方之善治蠱毒者。爲慶曆善救方。命叅知政事丁度序之。以頒天下。言者云。雖有方書。遠方或闕藥材。不能自致。詔許以官錢治善救方。諸藥以濟民。

皇祐四年。上以方書雖多。或藥品之衆。昧者用之。寡要貧者困於無資。命太醫集諸家已試之方。而刪去浮冗。而標脈證。兼敘病源。名之曰簡要濟衆方。且令崇文院分作上中下三冊。印頒諸邑。

樞密院韓琦言。朝廷雖頒方書以救民疾。而貧民力或不能及。請令諸節鎮及益并慶渭四州。歲賜錢二十萬。餘州軍監十萬。委長吏選官合藥。以時給散。上如琦奏。至今行之。

仁宗謂輔臣曰。鍼砭之法。世傳不同。腧穴稍差。或害人命。其令太醫王惟一考明堂氣穴經絡之會。鑄腧穴銅人式。一置醫官院。一置大相國寺。惟一又纂集所聞。糾正訛謬。爲銅人鍼灸圖經。以進。上命夏竦爲之序。而模以頒天下。

始陞節度使班在龍墀內金吾上將軍之上太平興國二年詔常叅官知節鎮者借紫餘緋罷日仍舊

淳化元年益王元傑授揚潤大都督府長史學士張洎言唐以揚益潞幽荆五郡爲大都督府置長史司馬爲上佐其大都督非親王不授或親王遙領別命大臣領郡除長史副大使節度事今益王正大都督之任復爲長史乃是自爲上佐也呂蒙正以爲襄王越王皆領長史矣今吳王獨領大都督非便上曰業已差誤俟別除授弁正之

淳化二年詔百官次對又御文德殿羣臣入閣復舊制也來年五月羣臣入閣設黃麾杖新制也三班使臣舊不免杖罰戶部尚書張齊賢編敕始請以贖論

咸平六年詔河北東陝西轉運使副按邊經費勞於他路其月俸共給實錢至今行之

大中祥符六年陳世卿知廣州詔歲給添支錢七十萬公用錢五十萬遂著爲令

真宗謂宰臣曰何承矩嘗請與藩臣封戶如何王旦

對曰。唐朝將帥富貴驕蹇。往往陷於不道。良由事勢強大。朝廷姑息太過。每移一帥。未有帖然奉命者。至於五代。餘風未殄。太祖制之有術。迄今藩臣有兼相印。提禁旅。及久當邊任者。詔旨亟召。則夙夜奔命。好談古者。特思慮未至耳。上然之。

王欽若言。比見石普奏章。用新州觀察使印。上顧宰相。問其事。王旦對曰。普以河西節度使知許州。此必許州觀察使印耳。欽若之言謬矣。凡節鎮有節度使印。隨本司闕。則州本吏用本州觀察使印。又有州印。

文曰。某州之印。晝則州錄事參軍掌用。暮則納長吏所。節度使在本鎮。兵刑甲仗。卽節度判官掌書記。推官。連書用節度使印。民田租賦事。卽觀察判官支使。推官。連書用觀察使印。州司下符用本州印。故命將必曰。某軍節度使。得專制其軍旅也。曰。某州觀察使。得廉問其風俗也。曰。某州刺史。得刺舉其州軍也。

天聖中。都官員外郎吳耀卿言。景德中。江淮漕米。歲不過四百五十萬石。其後增至六百五十萬。故江淮之間。穀常貴而民益貧。請約成平景德中數。立爲中

制上詔發運使歲減漕米五十萬石。仁宗謂輔臣曰：日者三司請以轉運使漕事集否爲昇黜之法，意欲使修舉其職，非誘之爲聚斂也。邇聞貪冒之人，僥倖恩賞，肆爲侵尅，豈朝廷之意也。轉運使考課法，其亟除之。

梁惟吉知懷安軍，其弟惟遜已任屬官，惟吉母老，乞改任。仁宗命有司自今如是者悉免，遂爲定制。

河渠

至道元年，上問汴河疏鑿之始。張洎上言曰：昔大禹導河，自積石至于龍門，南至于華陰，東至于砥柱，又東至于孟津，東過洛汭，至于大伾，卽成臯是也。或云黎陽山，禹以大河流泛中國爲害最甚，乃於頓丘郡界疏二渠以分水勢。一渠自陽武縣東引入漯水，東北流至千乘縣入海，卽今黃河是也。一渠疏畎引竝西山，以山東地形高敞，穰東水勢不使流溢，夾右碣石入于渤海。書所謂北過涇水，至于大陸，涇水卽濁

漳也大陸卽邢州鉅鹿澤也播爲九河同爲逆河入于海河自魏郡貴鄉界爲九道下至滄州合爲一河言逆河者謂與海水往復相承也齊桓公霸塞河廣田居惟一河水存焉今貝冀東界王莽枯河是也禹又於滎澤下分大河水爲陰溝引注東南以通淮泗大梁浚儀縣西北復分二渠一渠東經陽武縣南中牟臺下爲官渡水一渠始皇疏鑿以灌魏都謂之鴻溝荏苒渠自滎陽五池口東注之其鴻溝卽出河之溝亦曰荏苒渠漢明帝時樂浪人王景謁者王吳

始作浚渠故又以浚儀爲名靈帝建寧四年於敖城西北壘石爲門以遏渠口故世謂之石門渠水東合濟與河渠渾濤東注至敖渠水至此又兼入邲卽春秋時晉楚戰於邲是也邲又音坂坂卽汴字古人避反字故改從卞云卞字亦去反從卞同此義也渠水又東經滎陽北旃然水自縣東流入坂水鄭州滎陽縣西二十里三皇山上有二廣武城相去百餘步汴水自兩城間東流而去其濟流自茲而絕唯汴渠首受旃然水謂之鴻溝晉太和中桓溫北伐前燕將通

之不果。義熙十三年，劉裕西征姚秦，復浚此渠。始有湍流，奔注兩岸，渠潰塞。劉公更疏鑿，而漕運。隋煬帝大業二年，詔尚書左丞皇甫誼發河南男女百萬，開汴水，起滎澤入淮，千餘里，仍自汴河爲通濟渠。又發淮南兵夫十餘萬，開邗溝，自山陽淮陰至揚子江，三百餘里，水面廣四十步，而後行幸焉。自是天下利於轉輸。昔孝文時，賈誼上言：漢以江淮爲奉地，謂魚鹽穀帛多出自東南也。至五鳳中，耿壽昌奏云：故事，歲漕關東穀四百萬斛以給京師，亦多自此渠。漕運，唐

初改通濟渠爲廣濟渠。開元中，裴耀卿上言：江南租船自長淮西北，泝鴻溝，轉相輸納於河陰，獲嘉、太原等倉，凡二年，運米七百萬石，涉於此也。開元末，汴州刺史齊澣以江淮漕運經淮水波濤，有沉損，遂開廣濟渠，下流自泗州虹縣至楚州淮陰縣北十八里，合於淮。踰時畢功，旣而水流迅急，行旅艱險，尋乃停廢。復由舊河。德宗朝，歲漕江淮米四十萬石，以益關中。時叛將李正己、田悅皆分軍守徐州臨渦口，梁崇義阻兵襄鄧，南北漕引皆絕。於是水陸轉運使杜佑請

改漕路由浚儀西十里疏其南涯引流入琵琶溝經蔡州至陳州合潁水是秦漢故路以官漕久不由此道故填淤不通若畎流培岸則功用甚寡又廬壽之間有水道而平岡亘其中曰鷄鳴山佑請疏其兩端皆可通舟其閒登陸四十里而已則江湖黔嶺蜀漢之粟可方舟而下由白沙東關經廬壽浮潁涉蔡歷琵琶溝入汴河不復經揚楚沂淮之險徑於舊路二千餘里功寡而利博朝議將行淮路通乃止今天下甲卒百千萬人戰馬數十萬匹萃在京師仍以七亡

國之士民集於輦下比漢唐京十倍其人矣雖旬服時有水旱不致艱歉者惠民金水五丈清汴四渠派引脈分咸會天邑舳艫相接給贍公私所以無匱乏也唯汴橫亘中國首承大河漕引江湖利盡南海半天下之財賦悉由此路而進昔大禹疏鑿以分水勢場帝開畎以奉巡遊雖數堙廢而通流不絕終爲國家之用者其天意乎

天聖初右班殿直劉達言解州安邑縣自後魏正始中都水校尉元清平坑水西入大河以運鹽號永豐

渠周齊之間其渠遂廢大業中都水監姚暹決堰浚
 渠自陝郊西入解縣民賴其利唐末渠復湮沒請復
 濬之上下其議轉運使王博文以為利遂命開浚渠
 成公私便之李暹並開濬而民不蘇蘇為國
 天下之相規亦由北而南而後其大禹之遺德以合水
 也則其對曰中國首承大禹之德而後其德也
 物類之類會天由地地之類會天由地地之類會天由地
 和而水旱不災地之類會天由地地之類會天由地
 因之士與衆也

戶口

建隆元年版籍之數州百一十一縣六百三十八戶
 九十六萬七千三百五十三

開寶九年州二百九十七縣一千八十六戶二百五
 十萬八千九百六十五

至道三年戶四百五十一萬四千二百五十七

大中祥符八年戶八百四十二萬二千四百三十一

千八百八十萬一千九百三十夏秋稅錢帛糧斛二

千二百七十六萬四千一百三十三絲綿禾草二千

二百八十三萬六千六百三十六茶鹽酒稅錢帛金
 銀二千八百萬二千六百三十三萬餘緡
 寶元元年戶一千六十一萬四千二百九十
 至道三年戶四萬五千四百五十一萬四千二百五十六
 十萬八千六百六十五

開寶六年戶二千六百六十一萬八千六百六十五
 太平六年戶二千六百六十一萬八千六百六十五
 太平六年戶二千六百六十一萬八千六百六十五
 太平六年戶二千六百六十一萬八千六百六十五

雜錄

平蜀得鑄印官祝溫集自言祖思言為唐禮部鑄印
 官世習籀篆即漢藝文志所謂屈曲纏繞以模印章
 者也遂命重鑄中書門下樞密院省臺寺監等印
 樊若冰初在江南舉進士不第因常漁釣采石江上
 以漁船載絲繩度江之廣狹上書言江南可伐之狀
 太祖用其計下荆湖造大橋聯巨艦江南不守采石
 王師徑度遂破池陽初除舒州推官及計既行遂領
 池州事積官至給事中太祖常問其名出何典記對

曰臣慕唐右丞倪若冰故名焉。上笑曰可改名知古。蓋上惡其聲近弱兵也。唐右丞相乃倪若水。謂之若冰。謬矣。

日本國裔然。太平興國九年自其國來。因得名見言。其國王傳襲六十四世矣。文武僚吏亦皆世官。太宗歎謂羣臣曰朕不敢自逸。以冀運祚永久。更賴忠良輔朕不逮。無俾遠夷獨享斯慶。

有宋大臣生享王封者符彥卿王景錢俶歿而追封者孟昶楚王慕容延釗河南郡王王審琦瑯邪郡王

錢俶秦國王李繼勳隴西郡王劉繼元彭城郡王劉
銀南越王李煜吳王趙普真定郡王曹彬濟陽郡王
錢惟濬邠王魏仁浦齊王石守信衛王劉美魏王李
用和隴右郡王

以時政記進御自宰相李昉始以起居注進御自起
居即梁周翰始御史中丞得從遊宴自趙昌言始集
賢校理陪宴京師許乘馬入禁門自李宗諤始以執
政判禮儀院自丁謂始將帥在外遇大禮賜賚自王
德用程琳李昭始

董遵誨世居幽州其母在契丹太祖令人賂邊民使迎其母送於遵誨遣外弟劉綜貢馬以謝上解所服真珠盤龍衣命齎賜之綜曰遵誨人臣豈敢當此上曰吾委以方面不此嫌也太祖嘗命有司治第將賜郭進令蓋以甌瓦有司言舊制非親王公主之第不用甌瓦上曰郭進控扼西山十餘年使我無北顧憂我視進豈減兒女耶上高敞國太平興國六年入貢其土卽後漢戊己校尉之地俗好騎射戴油帽謂之蘇幕遮

三卷終

隆平集第四卷

宋曾文定公編撰

南豐後學彭期訂

宰臣

范質字文素魏郡人母夢人授五色筆而質生唐長興中擢進士第仕晉至翰林學士周祖擢爲宰相建隆初封魯國公乾德二年罷相初和凝知貢舉愛質所試文自以中第嘗在第十三名故亦以處質其後

質官及封國。皆與凝同。當時謂之傳衣鉢。質平居手不釋卷。謂人曰。嘗有異人言。吾當大任。無學術。何以處之。及司制誥。人服其該贍。奉行制敕。未嘗破律。爲相。不受四方饋獻。祿賜親族。歿無餘財。太祖歎其清慎。曰。真宰相也。太宗亦言。近世輔弼。循規矩。慎名器。無與比者。特不能死周社稷。乃其短爾。子旻。

魏仁浦。字道濟。衛郡人。少爲刀筆吏。隸樞密院。周祖爲樞密使。問以中原卒乘數。對曰。帶甲者六萬。及隱帝遣人害周祖。仁浦教以易其語。云誅將士以激怒

衆心。遂長驅渡河。卽位。擢樞密承旨。復問郡邑屯兵數。仁浦詳對。按籍無差。世宗卽位。差樞密副使。陞使。繼命兼相對。曰。不由科第進。曰。顧才何如爾。遂用之。世宗卞急。輕殺戮。仁浦營救而免者十常七八。從出征。鋒鏑之下。無橫死者。有鄭元昭。誣仁浦婦翁李溫玉之子。從李守政叛。捕以告變。欲中傷仁浦。周祖力辨其誣。獲免。及仁浦大用。元昭懼。卒以元昭繼典五郡。又嘗爲賈延徽譖。幾遇禍。總師出征。有得延徽以獻者。仁浦曰。因兵戈報私怨。不忍爲也。人稱其長者。

建隆初，不易其任。乾德二年，罷相，卒。子咸信，尚主，追封仁浦王爵。

王溥，字齊物，太原人。漢乾祐中，登進士第。周祖鎮蒲津，召置幕府，從征李守正。王景崇得朝臣交結書，周祖欲暴其事，溥力請焚之。周祖將大漸，趣草相制，聞宣畢，曰：「吾無恨矣。」世宗嘗問漢相李崧蠟丸書，結北虜有記其辭者，否。溥曰：「使崧有此言，以示人，即逢吉輩構之。」爾世宗遂優贈其官。建隆初，不易舊任。乾德二年，罷卒。謚文獻。後改曰文康。父祚，仕至上將軍。祚

致仕。溥猶居相位，每公侯引觴爲壽，溥侍側如嬰兒。人稱其孝敬。祚徇貨殖，溥亦獲恡嗇譏。孫貽永，無官。貽永，字秀長，真宗以其故相家，選尚太宗第四女，鄭國長公主。除右衛將軍、駙馬都尉。明年，主薨，卽納所賜宅，累擢節度使、歷宣徽使、同知樞密院事。改副使，加同平章事。以疾求罷，聽免。兼侍中。至和初，復以疾丐解職。除右僕射、檢校太師、兼侍中。鄧國公。卒。年七十一。贈太師、中書令。謚康靖。子道卿。貽永爲人慎約，寡言，無綺紈聲色之好。嘗知徐州，河決滑臺，作堤城。

南水至不為患。王曾守南京，表其事，詔褒之。鄆州咸平中徙城，而故治為通衢，密邇梁山，灤春夏多病涉，貽永知鄆州相地，築東南道二十餘里，至今人獲其濟。

原作灤，無此字。楊希洛云：疑作灤，有朴音。

薛居正，字子平，開封人。父仁謙，五代史有傳。居正後唐清泰中登進士第，仕周至刑部侍郎。建隆初，知朗州，有亡卒數千為盜，軍使疑城中釋子為應，欲盡殺之。居正以計緩其事，生擒賊首，乃知釋子千數，無預謀者。乾德二年初，置叅知政事。居正及呂餘慶首當

其選。開寶六年拜相。太平興國初，進位司空。薨，諡文惠。無子，以同姓子惟吉為嗣。居正操行方重，不事苛察，好讀書，為文敏贍，有集二十卷。詔李昉為之序。

沈倫，字順宜，陳畱人。名上一字避太宗舊名，去之。太祖初除同州節制，辟在幕府，屬改命，皆從焉。及即位，擢樞密副使。開寶六年拜相。太平興國四年罷。卒，諡恭惠。平蜀日，倫為計度制置使，諸將以賄敗，倫歸篋中唯圖書數卷，在相位自守而已。

盧多遜，懷州人。父億，有操行，仕至少府監。周顯德末

登進士第。開寶中累擢參知政事。九年拜相。多遜博涉經史。善伺人主意。太祖每遣取書。多遜伺知。卽通夕閱視。詰朝問書中事。應答無滯。上益寵待。爲翰林學士。時屢於上前毀趙普。及在相位。普之子及其親屬多爲所抑。普再相。廉知多遜常遣親吏交通秦王廷美。因發其事。追削官爵。并其家配崖州。卒於配所。初王祐知制誥。多遜欲祐協力擠普。一日祐以宇文融排張說事示之。怒出祐知華州。及多遜敗。士大夫服祐有明識。

趙普字則平。薊州人。父迴徙常山。又遷洛陽。因占籍焉。劉詞節制永興。辟爲從事。詞遣奏稱其才。授滁州判官。太祖以周世宗命破皇甫暉拔滁州。聞普決獄多全活者。方出鎮馮翊。遂表爲從事。屬改命。普在幕府卽位。授諫議大夫。繼除樞密副使。乾德二年代范質相。久之罷。太平興國初復相。堂帖之行與詔敕無異。太宗命勿復行。八年授鄧州節制。端拱元年復相。淳化元年以疾罷。除河南尹。進位太師。魏國公薨。追封真定王。諡忠獻。卒年七十一。設鹵簿葬。舉唐制也。

普初無學術太宗勉之晚年頗該博在相位十年獨任政事閣中設大瓦壺中外章奏不欲行者擲壺中既而焚去性多忌尅太祖嘗稱馮瓚欲大用普遂請以知梓州遣私奴從之郡伺其過失詣闕訟之瓚配隸沙門島十年三司使趙玘廉其市木治第事雷有鄰又訟中書不法太祖惡之學士竇儀對因訪普所爲儀曰不知退而曰我必不大用而必不之朱崖及詢盧多遜多遜乘閒攻其短亟進預政事及普再相多遜遂有朱崖之命蜀人侯莫陳利用以方術進至

團練使所爲多不法普力言之上爲黜利用普言之不已利用卒伏誅聞者欣快普在相位士大夫有言人短長者必命吏追錄之有事則引以爲證自是人無敢言中書事益壅蔽又嘗建議以趙保忠鎮夏臺俾圖繼遷反通謀幾爲邊患時論罪之端拱復相頗爲同列所窺鬱鬱不得志而去雖然普遇事能斷知無不言與夫循嘿者有間矣

李昉字明遠真定人父超仕至集賢學士昉以門蔭補齋郎漢乾祐中登進士第在周爲翰林學士建隆

初遷中書舍人盧多遜攻趙普短太祖詢昉昉曰臣書詔之外思不出位太祖征太原過常山賜羊酒俾於居第讌集丞相至藩侯皆賦詩刻石太平興國八年拜相建議復時政記先進御後付史館端拱初罷淳化二年復相在位循謹自守臨事多恕爲文慕白居易所居有園亭又葺郊外宴遊之地多畜妓樂娛樂親友與張洎盧多遜善薄張昉上嘗問多遜昉頗爲辨釋上曰多遜常毀卿不直一錢昉曰臣不敢誣罷相張洎草詔深攻其短張昉時時造其第或問昉

昉曰我爲廷尉獨李公未嘗以私事見于今雖退居可見也昉薨贈司徒諡文正子宗諤宗諤字昌武昉第三子七歲能屬文恥於父任得官獨由鄉舉端拱二年登進士第性謙謹衣敝策蹇人不知其宰相子也獻文召試除集賢校理太宗每有篇詠多賜昉及宗諤宗諤屬和世榮之宗諤宗諤之兄也宗諤官至諫議大夫翰林學士卒年四十九李濬與宗諤同歲同月後一日生其卒亦後一日濬字德淵冀州人父超爲禁卒從潘美掌刑刀美嗜殺戮

超常緩之怒釋多全活者人以為有陰德濬官至右
司郎中樞密直學士宗諤博學曉音律尤精於典章
沿革朝廷創制損益莫不與聞景德初北虜請和後
一歲生辰使至首命宗諤館伴自郊勞至餞禮有節
適行判太常寺鼓吹工之謬濫者無所容風流文雅
內行純至事繼母以孝稱二兄早卒奉嫂字孤人無
閒言友其弟宗諒甚篤賞延所及皆先諸姪其卒也
子猶有未仕者獎借後學薦拔寒素接人有禮士大
夫愛慕之其書字勢傾側後進多擾筆效之罕有類

者為時之所貴如此有文集六十卷內外制集四十
卷又有家傳談錄行於世

宋琪字叔寶范陽薊人晉天福中在契丹舉進士登
第幽帥趙延壽惜其自陷虜廷辟為從事建隆閒為
開封府推官太宗尹京禮遇甚厚即位累擢至叅知
政事太平興國八年與李昉同相因請盧多遜舊第
上惡而罷之薨年八十贈司空諡惠安琪有吏能辨
捷好詼諧而寡學識

呂端字易直其先燕人父琦五代史有傳兄名犯太

祖諱下一字字餘慶太祖節制同州餘慶爲賓佐及
卽位累擢參知政事蜀平知成都府不罷政事以執
政蒞藩鎮自餘慶始歸朝復舊任旣而引疾求罷除
尚書左丞卒年五十太祖幕客餘慶居其先趙普李
處耘首大用餘慶獨不介意及除執政而處耘被黜
同列欲共排之上問處耘第以實對普忤旨而罷仍
力爲辨釋餘慶重厚有守所至以寬簡治與第端俱
以文官三品蔭補千牛衛備身端在周直史館建隆
初遷太常丞歷官四十年始大用淳化四年參知政

事至道初拜相太宗嘗恨任用之晚端持重識大體
同列奏對或多異議一日內出手札戒諭自今中書
事經呂端裁決乃得聞奏真宗卽位尤加體貌見必
拱揖以其身體偉大爲納陛俛登殿所咸平初以疾
罷薨年六十六贈司空諡正惠子荀藩蔚藹李惟清
自樞密改中丞意端抑已屢遣人訟堂吏過又彈端
久在病告端曰吾直道而行無所媿也端姿表瓌秀
器識和裕屢遭擯斥未始經意嘗使高麗暴風折檣
舟人恐怖端讀書自若兩使絕域後有往者必問端

爲宰相未。其爲遠近所慕如此。李沆字太初，洛州肥鄉人。父炳，仕至侍御史。沆好學，沉厚寡言，有精識。炳嘗謂人曰：「此兒異日必致公輔。」太平興國五年，登進士第。至王化基上書自薦，太宗曰：「李沆、宋湜皆佳士也。」命相府同名試，並除知制誥。沆官最下，特升於上，累擢給事中，參知政事。淳化四年，罷。真宗升儲，以爲太子賓客，詔儲君待以師傅禮。及卽位，復參知政事。明年拜相。北虜入寇，車駕幸鄴，沆留守東京，不戮一人。輦下肅然。景德元年薨。年五

十八，贈太尉、中書令，謚文靖。沆博學內行，修謹居位，慎重門，無私謁。終日危坐，望之儼然。上每議政，語天下安治，沆常以四方水旱螟蝗爲言。上深慰納。旣薨，上對侍臣曰：「沆忠亮淳厚，終始如一。言畢泣涕久之。」王旦常自謂器節不能逮沆，世謂二人皆賢相也。弟贄、源、淮、子簡。

畢士安，字舜舉，代州人。徙居鄭州。乾德四年，登進士第。累遷至知制誥、翰林學士。真宗尹京，士安爲開封府判官。卽位，命擢知府。復入翰林爲學士，又爲侍讀。

學士景德初參知政事踰月拜相二年薨於位年六十八贈太傅中書令諡文簡士安端重有識度善談論所至以公正稱年高目昏讀書不輟有文集三十卷藏於家

呂蒙正字聖功河南人太平興國三年登進士甲科歷官一紀遂至相位嘗任知制誥翰林學士參知政事端拱初相淳化二年罷四年復相六年罷相國朝以來三居相位唯趙普及蒙正蒙正沈厚寡言有器局以正道自持張紳知蔡州以贓敗有爲紳營解於

上曰紳家富不至此特蒙正貧時有求不獲今報之耳上卽復紳官蒙正不辨後考課院得其實黜之太宗復謂曰張紳果有贓蒙正亦不答判江寧府數遣中貴人將命待之如在相位時不少減近制宰相子起家卽授水部員外卽加朝散階蒙正固辭止授九品京官自是以爲例罷相歸西洛養疾有園亭時會親舊環侍皆子孫閒舉壽觴釋然自得真宗謁陵寢祠后土過洛汭兩幸其第當世榮之父龜圖仕至起居郎初龜圖黜妻劉并棄蒙正劉誓不改適及蒙正

蒞官迎二親。同堂異室奉養。竝至。時稱其孝。累改封。以許國公薨。年六十八。贈太師中書令。

張齊賢。曹州人。徙居洛陽。自言慕唐李大亮爲人。故字師亮。乾德間。應科舉。不中選。太平興國二年。登進士第。累擢至簽書樞密院樞密副使。叅知政事。淳化二年。拜相。咸平初。復相。屢進位。至左右僕射。請老。以司空致仕。飲食素過人。執政後。丁內艱。水漿不入口者七日。其後日一飪粥。旣祥。方食脫粟飯。三年。酒肉果菜不入門。世稱其孝。平日頗以致君自任。言涉疎

濶。前後治獄。全活甚衆。未第時。依太子少師李肅家。及貴。歲時祭之。种放之用。亦其薦也。嘗爲部使者。務存寬大。察訴牒。多得其情。嘗對太宗曰。靈夏終爲繼遷所擾。人謂其過。卒如所料。在相位。事有涉干。請辭。連李沆。而齊賢獨任其責。物論甚美。及再相。與寇準相傾。遂虧名節。歸洛。得唐裴晉公午橋莊。有池榭松竹之勝。日與親舊。觴詠其閒。善教子孫。皆能自立。有文集表疏集雜編小說各數十卷。又補齊安縣志。王旦字子明。大名人。父祐有文行。國史有傳。旦沈厚。

好學祐知其必致公輔。手植三槐於庭以爲識。且太平興國五年登進士第。淳化初獻文。除直史館。明年知制誥。祐久典書命。且十年繼之。咸平初入翰林爲學士。三年樞密副使。四年參知政事。景德三年拜相。在樞府一年。參知政事八年。任首相十二年。以疾懇求退。不已。意不可奪。除太尉。仍詔禮官具上事儀。未上而薨。年六十一。贈太師尚書令。諡文正。初旦與錢若水同在西掖。若水善人倫。常曰。王君凌霄聳壑。棟梁才也。非吾所能及。李沆以同年生亦相厚善。謂

爲遠大之器。且端重介直。明達治體。接物雖和易而風格峻整。當官臨事獨不可犯。爲相屬罷兵之後。務在鎮靜。善於獻納。言簡順理。慎惜名器。敘進才品。不以私怨廢公義。薦用人有終身不知者。不許子弟應舉。以妨寒俊。亦不薦補諸子。居第湫隘。服器質素。與弟旭友愛甚。至敦獎名教。畱意文雅。近世典章族氏尤極該洽。真宗初置天書刻玉使。以旦領之。國朝以來居相位。天下無閒言者。唯旦及李沆云。

向敏中字常之。開封人。父瑀。唯一子。教督甚嚴。常謂

其妻曰大吾門者此子也太平興國五年登進士第久之太宗飛白書敏中張詠二名付中書語宰相曰此二人名臣也朕將用之淳化四年自廣南轉運使召還除工部郎中擢樞密直學士與張詠並命是年同知樞密院事自員外郎至是凡百日耳會曹彬除樞密使改副使咸平初改叅知政事二年兼樞密使出安撫河北以禁兵萬人翼從四年拜相五年坐市薛居正第罷大中祥符五年復相天禧三年薨年七十二贈太尉中書令諡文簡初太宗欲大用之當路

者有言敏中在法寺時皇甫侃監無爲權務以賄敗嘗求敏中從未減下御史臺捕侃僕詰之僕云有書敏中不啓封還之書今瘞臨江軍傳舍遺索果得書緘題如故上驚異遂登用焉罷相出知永興軍適駕幸澶州密詔俾便宜從事詔不泄邊境以安故有復用之意敏中沉毅寡私交獨爲人主所知多智善保身識大體相位門無私諸子不使當事任雖處大事若已不與避遠權勢慎於薦拔大任幾三十年衰老猶不得謝時論目爲重德

寇準字平仲華州下邳人太平興國中登進士第器識文學時鮮其比初補歸州巴東令五年不得代既又宰大名府成安賦役期會書鄉里姓名揭之縣門民無違者巴東有秋風亭準析韋應物一言爲三句云野水無人度孤舟盡日橫識者知其必大用後因言事太宗深器之淳化二年擢樞密副使四年罷知青州太宗對左右數語及準有間言至終不能移上意五年召參知政事因奏對切直上怒起輒挽衣畱以俟處決太宗嘆曰眞宰相才也上欲建儲密詢於

準對曰謀及婦人中官近臣皆不可也惟擇所以副天下望者上屏左右問曰襄王可乎對曰非臣所知也及眞宗爲太子人望翕然上曰天下心屬太子將置我何準曰願得所付天下之福也至道二年罷政知鄧州咸平六年除三司使景德元年與畢士安同相契丹入寇上召羣臣問禦戎策畢士安請選將王欽若勸幸金陵陳堯叟以幸蜀爲請準曰非親征不可上從準議兵威大振車駕及衛南而捷書來上三年罷相大中祥符七年除同平章事充樞密使八年

罷天禧三年復相四年真宗不豫皇太后參議政準請閒曰丁謂佞人也不可輔少主願擇方正大臣羽翼太子。上然之。準因命楊億草太子監國制且進億以代謂甚密。詰朝準被酒自漏言謂乘婦人車詣曹利用第謀逐準。遂發周懷政朱能天書事遷準以太子太傅歸班請對不許降太常卿知相州徙安州。貶道州司馬。仁宗卽位再貶雷州司戶。踰年徙衡州。司馬命未至卒。年六十三。詔許歸葬西京。過公安縣民擁道設祭立竹焚幣焚餘竹無根株踰月皆自生。邑

民嗟賞卽生竹地立祠歲時祭之謂其竹曰寇公竹。歲久成林人不忍伐。仁宗對輔臣哀準以忠貶死贈中書令萊國公諡危身奉。上曰忠佐國遭憂曰愍。詔賜準諡忠愍。錢惟演素忌準又諂附丁謂作樞密直學士題名記輒不列準。後蔡齊言於上卽命刊去。上又哀準無子以從子隨爲後乃擢其壻屯田員外郎張子臯直祕閣俾齊詔河南就賜其家祭耐之初準至雷州吏以圖經獻視其四至云東南門至海岸十里準况曰吾少時有云到海祇十里過山應萬重豈

偶然耶。南行之初。過零陵。行橐爲溪寇所掠。其會聞而趣還之。世言忠義足動犷俗。況氣同者乎。準剛正篤於自信。不能與世俯仰。故人多惡之。至道郊恩。以左正言馮拯爲虞部員外郎。拯訴於朝。罷政事者七年。未始少抑。雖王旦亦以爲好人懷惠。又欲人畏威。皆大臣所宜避。準自以爲已任。此其短也。惡之者或云。在相位與張齊賢相傾。或云。朱能爲天書降。乾祐縣準知而不言。審如是。丁謂之拂鬚。固足以悅詎。致其媒孽耶。及謂道出雷州。欲見而不可得。其不能與世俯仰如此。而蔽以險詖庸回。不其過歟。準知將逝。遣人取太宗所賜通天犀帶於洛中。半年始致。沐浴具朝服。束帶北面再拜。俄登榻而終。非達於死生之數能如是歟。

王欽若字定國。臨江軍新喻人。少孤。祖郁嘗曰。吾歷官五十餘年。慎用刑。活人多矣。後必有興者。其吾孫乎。淳化三年。登進士甲科。累遷知制誥。翰林學士。咸平四年。叅知政事。景德初。契丹入寇。欽若請行。以叅知政事判天雄軍。上親燕。以遣之。還朝。累求罷政事。

制特置資政殿學士寵之既久又加大學士之名景德三年知樞密院事大中祥符五年除樞密使同平章事七年兼同天書刻玉使是年罷八年復樞密使平章事天禧元年拜相三年商州捕得道士譙之易畜禁書能使六丁六甲神而欽若贈之詩故罷知杭州踰年復資政大學士資善堂侍讀進司空既而除節制檢校太師同平章事判河南府以疾不俟報赴闕降司農卿分司南京仁宗即位復祕書監改太常卿刑部尚書天聖元年復相進司徒三年薨於位贈

按紫微赤字晉公通刺與丁謂之遇洞賓皆異人方有此異事也降天書時之宰相豈可無此等怪誕乎

太師中書令諡文穆錄親屬及門下吏二十餘人前此宰相優卹未有其比欽若少時過圃田夜視天文有紫微字赤色及使蜀褒城道中有通刺字未暇視而與之見告欽若曰異日位至宰相既去視刺字乃唐裴晉公也自是遂喜神異事且撰文以記之真宗即位欽若判三司理欠憑由司奏蠲乾德至咸平逋負千餘萬釋繫囚三千餘人以廣惠澤叅知政事日有訟欽若及洪湛貢舉受賂命邢昺鞠之時上顧欽若方隆故湛獨流儋州人以爲寬大中祥符間與馬

知節同在樞府知節惡其爲人不能相下故兩罷之
封泰山祀汾陰天下言符瑞欽若皆與焉朝廷有所
興作必委曲遷就以合上意與丁謂陳彭年林特及
內臣劉承規交通蹤跡詭異時論謂之五鬼真宗作
喜雪詩誤用旁韻王旦白欽若曰天子詩可校以禮
部格耶它日上謂輔臣曰王欽若幾爲衆所哈與楊
億等同撰冊府元龜有褒詔則自爲表謝譴問則戒
吏云第言億等故馬知節面斥其姦罔其後仁宗亦
謂王曾曰欽若所爲真姦邪也五子皆天以從姪寅

亮爲後欽若平日所撰有天書再降泰山祥瑞圖鹵
簿記彤管懿範天書儀制翊聖傳聖祖事跡羅天大
醮五嶽廣同遷敘圖列宿萬靈廟真一圖共數百卷
丁謂字公言初字謂之蘇州人嘗袖文謁王禹偁禹
偁愛其文卽爲詩贈孫何及謂比之韓柳名遂大振
淳化三年登進士第累擢知制誥諫議大夫兩爲三
司使大中祥符五年參知政事九年除節制知昇州
天禧閒復參知政事改樞密使四年與李迪同相迪
對上斥謂姦邪同罷而謂詔畱加司空封晉國公仁

宗卽位進司徒兼侍中坐雷允恭移山陵皇堂事罷少保分司再貶崖州司戶叅軍凡五年徙雷州又三年徙道州明道末復祕書監致仕居安州又徙光州卒年七十二詔賜錢十萬絹百疋謂淳化間爲福建轉運使初置龍焙歲貢團茶數品供御咸平初峽路蠻擾邊會分川峽爲四路謂領夔州轉運使措置蠻事作誓刻石柱境上其後又入寇止委其酋領討平之居五年詔許自舉代乃舉薛顏景德初契丹入寇謂知鄆州虜騎稍南民大驚趨楊劉渡舟人邀利不

時濟謂斬死罪囚於河上舟人懼不復稽阻又令廣旗幟擊刀斗聲振百餘里虜亟走遁大中祥符初議封禪未決謂因言大計有餘議遂定謂機敏有智謀儉巧險詖亦鮮其儔文字經日雖千百言無遺忘至三司案牘有差老吏不能曉者決於一言皆中其理朝廷營造莫不兼領凡奏祥瑞事皆謂及王欽若與焉少遊江南遇呂洞賓語之曰君狀貌同李德裕言訖不見其後果驗第誦說諫子琪玘玘玘馮拯字道濟河陽人太平興國二年登進士第咸平

中擢樞密直學士。明年同知樞密院事。景德初改簽書。明年參知政事。久之以疾丐罷。大中祥符四年知河南府。七年除御史中丞。又以疾除戶部尚書。知陳州。真宗問王旦曰。拯屢求閒郡。何也。對曰。馬知節常薄拯志在節旄。不敢請大藩也。天禧四年拜相。五年進右僕射。仁宗卽位。遷司空兼侍中。天聖初罷相。授節制檢校太尉兼侍中。判河南府。卒年六十六。贈太師。中書令。謚文懿。子用已。恕已。端已。誨已。稱已。勤已。行已。虛已。潔已。初拯通判廣州。在太常博士彭惟節之上。及郊祀覃恩。以正言遷虞部。惟節遷屯田。皆員外郎。而自謂與參知政事寇準有隙。上封言其事。上爲罷準。乾興初與丁謂在相位。謂獲坐。祈拯營免。時太后欲殺謂。拯言上初卽位。誅大臣。駭天下耳目。謂得釋死。拯嚴重。中人傳宣中書。未常與坐。林特常詣第。累日不得通。旣而令至中書。卒亦不見。

取累日不替無稍而命至中書卒亦不取
封爵及冠通選至中人勸宣中書未常與坐林林常
太氣為舜舜則言土而明則精大亞想天干五日
志雖華華華則四想丁則立則對坐而越管管
取腹而自醉與然賦文年歲華有則土佳言其車土
一土取腹師覃恩以五言聖氣時排前數由田首員

